

DOBOSKI LIST, prvo glasilo u Doboju, pojavio se 25. septembra 1946. godine, a zatim su izlazili "Radnik" (1952. i 1953.), ponovo "Dobojski list" (1953. i 1955.) i "Naš život" (1955. i 1956.). Kasnije je izlazio "Glas komunista", svo do okupacije Doboja 3. maja 1992. godine i "Dobojske novine" (1. januar 1998. - 24. decembar 1999. godine). "Naše novine" izlaze od 25. decembra 1999. godine.

DOBOSKI JUG, april/travanj - maj/svibanj 2010. godine
GODINA XV BROJ 95 (138)

naše NOVINE

NEZAVISNE NARODNE NOVINE

Svečano pušten u rad novi objekat Policijske stanice Doboj Jug u Matuzićima

Miralem Galijašević, premijer ZDK, pozdravio goste i policajce

KONAČNO U SVOJIM PROSTORIJAMA



Načelnik Općine Doboj Jug Džavid Aličić sa gostima iz Kantona

Prvi februar 2010. godine za uposlenike Policijske stanice Doboj Jug ostaće upamćen po tome što su nakon jedanaest godina konačno razriješili pitanje trajnog prostornog smještaja. Da se podsjetimo, nakon formiranja općine Doboj Jug (mart 1998. godine) i preseljenja iz Alibegovaca Policijska stanica Doboj Jug je nekoliko mjeseci imala smještaj u djelimično adaptiranom Domu kulture u Matuzićima, da bi se nakon odluke da se u isti objekat smjesti općinska administracija kao privremeno rješenje za smještaj PS našao Dom kulture u Mravićima.

Zahvaljujući Vladi Ze-do kantona, rješenje oko trajnog smještaja Policijske stanice nađeno je kupovinom jednog privatnog objekta u Matuzićima.

- Za kupovinu i adaptaciju novog

objekta izdvojeno je 460.000 maraka - kazao je u utorak, 11. maja, ministar MUP-a Ze-do kantona Aziz Brtolija prilikom obraćanja na svečanoj ceremoniji predaje objekta policiji Doboj Juga.

Svečani čin presjecanja vrpce obavili su premijer Ze-do kantona Miralem Galijašević i načelnik Općine Doboj Jug Džavid Aličić, nakon čega su gosti i zvanice obišli objekat Policijske stanice. Inače, pred otvaranje uslijedila je svečana smotra pripadnika Policijske stanice Doboj Jug koju je obavio ministar MUP-a Ze-do kantona Aziz Brtolija. Njemu je raport predao policijski komesar Fahrudin Bećirević.

Na novoj lokaciji PS u Matuzićima izmješten je i centar CIPS-a koji je do sada bio u prostorijama Pošte Matuzići.

DOBOSKI ISTOK

● Uz pomoć Projekta razvoja općina (MDP) u Doboj Istoku realiziraju tri projekta ● Uz softver za trezorsko poslovanje i otkupne stanice za mlijeko

Uz pomoć Projekta razvoja općina u Općini Doboj Istok ovih je dana počela realizacija tri važna projekta vezana uz instaliranje softverskog paketa za podršku trezorskom poslovanju, dodatno opremanje općinske administracije i izgradnja otkupnih stanica za mlijeko. Ukupna vrijednost ovih projekata je oko 110.000 KM, od čega polovinu sredstava osigurava Općina. Zbog slabijeg punjenja općinskog budžeta i već određenih rokova blagovremene pripreme za uvođenje trezorskog poslovanja i u Općini Doboj Istok su posebno važne.

- Po Zakonu o finansijama i trezoru, uvodi se sistem trezorskog poslovanja u svim općinama od 1.1.2011. godine, tako da ćemo, evo, spremni ući u taj projekat - kaže Mehmed Mehinić, načelnik Općine Doboj Istok.

IMPLEMENTIRAN PROJEKAT MDP, SLIJEDI NASTAVAK

Snežana Mišić, izvršna direktorica Projekta razvoja i Mehmed Mehinić, načelnik Općine Doboj Istok



Imajući u vidu činjenicu da se stanovništvo općine pretežno bavi poljoprivredom i proizvodnjom mlijeka, instaliranje otkupnih stanica trebalo bi sadašnju dnevnu proizvodnju od oko 5.000 litara znatno povećati.

U proteklih devet godina uz pomoć Projekta razvoja općina u Doboj Istoku je realizirano više projekata vrijednih oko 600.000 KM. - Smatram da je Općina u ovom periodu zaista poboljšala ef-

kasnost, efektivnost i transparentnost svog rada. Naročito smo doprinijeli učešću građana, dakle kroz njihovo animiranje u mjesnim zajednicama, a i u nevladinom sektoru - ističe Snežana Mišić, izvršna direktorica Projekta razvoja općina.

U finansiranju dosadašnjih projekata Općina je učestvovala s trećinom sredstava.

M. Čabrić

Već tradicionalno u Jelahu organiziramo

KULTURNO-SPORTSKU MANIFESTACIJU

Jelaško Ljeto

30 GODINA SA VAMA

SENDY

JEANS

Kvalitet i tradicija

GRAFIK

komerc

Štamparija s tradicijom

74264 Jelah, BiH
Mostarska bb

+387 32 663 521
+387 32 663 151

Fax: +387 32 666 800

@ grafikko@bih.net.ba

ODRŽAN ŠESTI SAJAM PRIVREDE U TEŠNJU

U Tešnju je u organizaciji Udruženja privrednika Bisnis Centar održan trodnevni, šesti po redu, sajam privrede "Bisnis 2010" na kome se na 1.500 kvadratnih metara zatvorenog i otvorenog izložbenog prostora predstavilo 113 kompanija iz BiH, od čega je devet filijala velikih evropskih korporacija.

Kuriozitet tradicionalnog sajma u Tešnju je i sajamska berza rada gdje je Kantonalna služba za zapošljavanje sa privrednicima stvorila šansu za zapošljavanje novih radnika.

Pored visokih brojnih zvanica iz Kantona i Federacije u Tešnju je boravio i Miralem Šarić, direktor federalne Službe za zapošljavanje. On se na sajmu sastao i sa svim direktorima kantonalnih službi za zapošljavanje i prisustvni privrednicima.

Evo šta je za Naše novine izjavio Miralem Galijašević, kantonalni premijer:

- Ono što me posebno

IZLAGALO 113 FIRMI IZ BiH



Miralem Galijašević, kantonalni premijer

raduje jeste da u vremenu recesije Tešanj u privrednom razvoju ide velikim koracima naprijed. Vidim da se i infrastruktura rješava. Vlada Zeničko-dobojskog kantona podržava ovakve projekte i svakako da ćemo nastojati da stvorimo što povoljniji ambijent za privredovanje - rekao je gospodin Galijašević.

Recimo na kraju da je kao partner ovog Sajma bila njemačka organizacija za tehničku pomoć GTZ.

F.K.



DETALJ SA SAJMA

ZIJADA ALIHODŽIĆ PONOVO PREDsjedNICA KANTONALNOG SUDA ZENICA

Premijer Zeničko-dobojskog kantona Miralem Galijašević zajedno sa Miroslavom Penkom, ministrom za pravosuđe i upravu, upriličio je prijem povodom reizbora Zijade Alihodžić na mjesto predsjednice Kantonalnog suda Zenica. Premijer Galijašević čestitao je gospodi Alihodžić na ponovnom izboru na poziciju predsjednika Kantonalnog suda i istakao zahvalnost za evidentnu profesionalnost kojom se ovaj sud odlikovao u prethodnom periodu. Naime, to doprinosi uveliko i boljoj slici o Zeničko-dobojskom kantonu, ali je mnogo važnije od toga da su građani koji traže ostvarivanje svojih prava putem ovog Suda zadovoljni brzinom i efikasnošću rada sudija.

Vlada Ze-do kantona, poštujući neovisnost svakog suda, nastojala je biti dobra podrška u smislu obezbjeđivanja boljih uslova za rad sudija i osiguranja osnovnih predvjeta da sud može raditi neovisno i



Prijem povodom reizbora Zijade Alihodžić na mjesto predsjednice Kantonalnog suda Zenica

profesionalno.

Predsjednica Alihodžić

zahvalila je na čestitkama i podcrta da je izuzetno cijenila stav zaka-

IZBORI 2010. U BOSNI I HERCEGOVINI

NEDJELJA -
3. OKTOBAR
DAN "D"

IZBORI
2010
IZBORI

Centralna izborna komisija (CIK) BiH nakon sjednice na kojoj je donijela odluku o raspisivanju i održavanju ovogodišnjih Općih izbora usvojila je i Uputstvo o rokovima i redoslijedu svih izbornih aktivnosti. Tako je sa 5. majem 2010. počeo da teče rok za podnošenje prijave za ovjeru političkih stranaka i nezavisnih kandidata.

Na općim izborima koji

će biti održani u nedjelju, 3. oktobra ove godine, 3.120.778 ukupno trenutno registriranih birača u BiH imaju priliku da bira nove članove Predsjedništva BiH, zastupnike u predstavničkom domovima BiH i Federacije, Narodnoj skupštini Republike Srpske, skupštinama kantona, te predsjednika i potpredsjednika Republike Srpske.

R.N.N.

ROKOWI I AKTIVNOSTI

Naziv aktivnosti	Rokovi
Podnošenje prijave za ovjeru političkih stranaka i nezavisnih kandidata	od 5. do 21. maja
Ovjera političkih stranaka i nezavisnih kandidata za učešće na izborima	do 5. juna
Podnošenje prijave za ovjeru nezavisnih kandidata	od 5. do 15. juna
Ovjera koalicija i listi nezavisnih kandidata za učešće na izborima	do 22. juna
Podnošenje kandidatskih listi	od 22. juna do 5. jula
Konačna ovjera kandidatskih listi	do 30. jula
Podnošenje kandidatskih listi	do 4. avgusta
Objava konačnih listi kandidata i potvrđivanje konačnog centralnog biračkog spiska	do 19. avgusta
Trajanje izborne kampanje (plaćeno političko oglašavanje)	od 3. septembra do 2. oktobra
Objava konačnih lista biračkih mjesta	u ponoć, 3. oktobra
Završetak izbora i objava rezultata izbora	najkasnije 2. novembra



Predsjednica Kantonalnog suda Zenica Zijada Alihodžić

nodavne i izvršne vlasti u ovom Kantonu otičen u poštovanju neovisnosti rada sudova, te istakla da imponuje opće mišljenje da se na području Federacije BiH sudovi u Zeničko-dobojskom i Tuzlanskom kantonu smatraju najprofesionalnijim i najučinkovitijim.

Ona je, također, pomenula da cijeni opću ekonomsku situaciju na području Kantona te kompleksnost realizacije budžetskih stavki i u tom smislu izrazila nadu da će Vlada i dalje imati sluha za neophodna tehnička i kadrovska jačanja Kantonalnog suda, a posebno za rje-

šavanje problema nedostatka prostora za neometan rad sudija.

Premijer Galijašević složio se s konstatacijama predsjednice Kantonalnog suda da je potrebno u narednom periodu ovu pravosudnu instituciju jačati u svakom smislu, jer je to garant pravne države, i obećao da će u skladu sa mogućnostima budžeta nastojati izdvojiti određena sredstva za proširenje zgrade Suda i obezbjeđenje sredstava za upošljavanje određenog broja sudija.

Press služba ZDK

Majska prskalica

KINEZI I TABLETE
ZA ANTIFAŠIZAMPiše:
Miralem Begić

Tema ove kolumne je mjesec maj, mjesec u kome ima toliko simbolike, tako da nije teško sa aspekta aktualnih zbivanja u zemlji i svijetu izvagati sebe, ili, ako hoćete, svakoga od nas. Počinje Međunarodnim praznikom rada, povijesnom dugogodišnjom tradicijom u svijetu, pa i kod nas, jer taj praznik rada (trebao bi biti jedini istinski praznik rada, o.a.) znači više od samog praznovanja. Ovaj dan govori o poštovanju koje bi svako društvo moralo imati prema radnicima, ljudima koji čine krvotok svake zajednice. Ovaj datum je prvi istorijski vapaj radnika za svoja prava. Radujemo se ovom danu, jer ga najveći dio zemalja u svijetu podržava. Imperativ svakog, pa i našeg društva, mora biti borba za rad, obnovu i pokretanje privrednih kapaciteta, zapošljavanje, socijalnu sigurnost i zaštitu svakog građanina, bez obzira na aktuelne tržišne trendove u kojima se često zaboravljaju prava radnika. Kod nas, na žalost, već duži niz godina nije baš tako, jer se cifre nezaposlenih stalno povećavaju, država se prežudažuje, para nema, nestaju, tope se. Nema ni posla, a gdje nema motike - nema ni hljeba.

I pored pola miliona nezaposlenih, naši vlastodršci imaju hrabrost da sklapaju aranžmane sa stranim firmama, pa čak i sa firmama daleke Kine iz koje će nam u Doboju uskoro doći nekakva specijalizovana firma *Dongfang Electric Corporation* da gradi termoelektranu Stanari. U Dragalovcima je sve spremno za prihvatanje dvije hiljade kontejnera za kineske radnike, kao da mi svojih "robova" nemamo. Šta će reći opštinske vlasti Doboja koje su se uzdale da će početak gradnje ovog objekta smanjiti nezaposlenost na opštini za najmanje osam procenata. *Malo morgen*, kazao bi Dodić i dodao da se on pita šta će gdje i ko raditi. Kako je - tako je.

Kako nam se bliže državni (opšti) izbori, stanje u zemlji se zahuktava do usijanja. Evropa tu još dolijeva ulje na vatru, jer kaže: "Mi bismo ukinuli vlasti režim, ali nećemo do poslije izbora, jer će se predstavnici vaše, ove i ovakve vlasti, koji treba da polako odu, hvaliti kako su baš oni bili čestiti i kooperativni i kako su oni donijeli bezvizni režim. To se najbolje vidi po izjavi Milorada Živkovića (SNSD), dojučerašnjeg predsjedavajućeg državnog parlamenta, koji je rotacijom ustupio mjesto Ivi Lozančiću (HDZ). Rekao je da je najveći uspjeh PSBiH *Mapa puta*, a ona za građane BiH bez ukinutih viza ne

znači ništa.

Na političkoj sceni stvaraju se (ne)poželjne koalicije, pa se mašta kako će nam već 4. oktobra svanuti sunce i nestati dim od zažarenog islandskog vulkana.

Prvi, četvrti i deveti maj su najbolji primjeri (ne)budenja bosanskog duha, drugačije kazano - bosanska uspavanka. Zašto?

Prvog maja ulice u većim gradovima zemlje trebale su da budu prepune protestirajućih radnika, jer se ašićare vidi svuda oko nas da im nije dobro. Plaće mizerne, poslodavci ih krađu (ne uplaćuju doprinose, za sitnice se otpuštaju sa posla, a u posljednje vrijeme na njih se vrši politički pritisak da moraju podržavati partije na vlasti, u protivnom - idu na biro). Najave iz Sindikata u zaštitu radnika i njihovih prava da će konačno progovoriti na protestima za Prvi maj su bile takve da su se radnici trebali probuditi u cijeloj zemlji. Tek šačica prevarenih trudenika (Sarajevo, Bihać, Mostar), uvidjevši da je vrag odnio šalu, nije imala šta i kome komentarisati, pa su i oni odmagli negdje u hladovinu kako bi potrošili praznični dan. U Sarajevu vele da se na koridi u Čevljanovićima sakupi blizu sto hiljada posjetilaca koji gledaju Sivonju i Plavotu kako se bodu, a na sarajevskim ulicama, gdje se Prvog maja trebalo iskazati opravdani radnički bunt, diči glas za svoja prava i odaslati poruku javnosti, nije došlo ni stotinjak ljudi. Sramota da veća ne može biti.


Četvrtog maja navršile su se tri decenije od smrti Josipa Broza (Druga Tita). Izdahnio je u tri sata i pet minuta, a beogradski portali ovih dana pišu da je umro kao musliman (sa *Kur'anom* u rukama), što potvrđuje i tamošnji muftija Hamdija Jusufspahić. Tilo je izdahnio u tri sata i pet minuta na Ljubljanskoj klinici. U to vrijeme, u znak sjećanja na rahmetli Tita "bratski" narodi i narodnosti "njegove" Jugoslavije su mu odavali dužnu poštu tako što su mu, baš tada, poklanjali minutu šutnje i počasti, u stavu mirmo, ma gdje da su se nalazili. A ovog četvrtog maja, niti je ko zastao, niti su se radničke i vatrogasne sirene oglašavale. I dok se njegovo djelo u posljednje vrijeme sve više proučava na svjetskim univerzitetima, kod nas, osim častih izuzetaka, svi su Tita zaboravili.

Nije slučajno u Deveti maj strpano nekoliko važnih odrednica. Prije svega to je Dan pobjede nad fašizmom 1945. Zatim, to je Dan Evrope, a toga dana počinju i Dani SDPBiH. U Doboju deveti maj je i Dan srednjih škola. Prateći događaje devetog maja tu, oko nas, uvjerili smo se da i ovaj datum lagano blijedi, jer mu se ne posvećuje dovoljno značenja, osim u Moskvi, gdje je Crveni trg (*Krasnaja ploščad*) "pocrvenio" od friške farbe, jer su drugi (*druga*) Medvedev i Putin potrošili više od milijardu dolara za organizaciju spektakularne vojne parade.

U Doboju se crvenilo stotinjak veterana i preživjelih učesnika NOR-a prilikom polaganja cvijeta na Spomen kosturnicu u gradskom parku. Intonirana je himna "Hej Slaveni" i čula se po neka tiha rečenica: *Slava im...*

Istog dana u organizaciji *Europius-a* Doboju (Organizacija za

NAČELNIK KAKNJA POSJETIO OPĆINU DOBOJ JUG

POKLON KNJIGE ZA
GRADSKU BIBLIOTEKU

Susret načelnika općina Kakanj i Doboju Jug

Načelnik Kaknja Men-sur Jašarspahić Suri obradovao je čitaoce knjiga u Doboju Jugu. Na njegovu inicijativu, Gradska biblioteka koja je tek u povelju poklonio je dva paketa izuzetno vrijednih knjiga.

Ova reprezentativna izdanja koja nosim za vašu bib-

lioteku neka budu povod za dalju saradnju na svim poljima života, rada i djelovanja - kazao je Suri nakon razgovora sa kolegom Džavidom Aličićem.

Dva načelnika su se dogovorila da će već u maju Kakanjsko pozorište održati za učenike OŠ "21. mart" Doboju Jug i za građane ove

općine neku od pozorišnih predstava iz svog repertoara. Osim toga, saradnja ove dvije općine u narednom periodu, kazali su načelnici općina, odvijace se prije svega na kulturnom i sportskom planu, te na privrednom, ako se ukažu šanse.

M.B.

Proširena lista
esencijalnih lijekova

Na prijedlog Ministarstva, kantonalna Vlada usvojila je Odluku o listi lijekova koji se mogu izdavati na teret sredstava obaveznog zdravstvenog osiguranja.

Prema riječima dr. Miloša Kuzmanovića, ministra zdravstva ZDK, nova lista lijekova sa 132 generička naziva (INN) urađena je s ciljem usklađivanja sa odlukom koju je ranije usvojila

federalna Vlada.

Na novoj listi nalazi se 18 lijekova više. Između ostalih tu su svi inzulini registrovani u Federaciji BiH - kaže ministar Kuzmanović. Na podužoj listi tzv. esencijalnih lijekova prvi put su uvršteni lijek za hipertrofiju prostate, anti-koagulatивно sredstvo protiv tromboze, hipofizni i hipotalamički hormoni (*Somatotropin*), kao i neki novi lijekovi za astmatičare. Planom

Zavoda zdravstvenog osiguranja ZDK kojeg je ranije usvojila Vlada ZDK za realizaciju Odluke o listi lijekova koji se mogu izdavati na teret sredstava obaveznog zdravstvenog osiguranja u 2010. godini opredijeljeno je 17.735.000 KM. Predviđa se kako će nova esencijalna lista lijekova u praksi zaživjeti najkasnije za dva mjeseca.

N.R.

NAKON
JANUARSKIH
POPLAVA U ZDK

Vlada Zeničko-dobojskog kantona donijela je odluku o odobravanju sredstava na ime pomoći općinama na području ZDK radi saniranja šteta nastalih prirodnim nepogodama - poplavama koje su se desile od 8. do 11. januara.

Kako je izjavio Miralem Galijašević, premijer ZDK, odobreno je 220.000 KM, a jedina od 12 općina koja nije uvrštena u

OPĆINAMA
RASPOREĐENO
220.000 KM

podjelu sredstava je općina Tešanj, gdje nisu evidentirane štete od poplava.

Najveći iznos pripast će općini Zenica - 45.000, a slijede Ka-

kanj 40.000, Visoko 35.000, Maglaj i Olovo sa po 20.000, Vareš i Žepče sa po 15.000, Zavidovići i Doboju Jug po 10.000, Brza i Usora po 5.000 KM.

promociju evropskih vrijednosti) autobus sa oznakama EU i sa pedesetoro dobojskih srednjoškolaca provozao se od Bosanskog Broda preko Dervente, Doboja, Tešnja, Tešlića i Maglaja do Preslice. Ni oni nisu bogzna kako najavljeni, pa su polovično dočekani u pomenutim sredinama. Kostimi koji su simbo-

lizirali svaku od članica EU, mladost, šarenilo boja, performansi i dječija neiskvarena mašta bili su dominantni, baš kao i grah na izletištu Dubrave u Mravićima koji je "pucao" kao halva.

Da ne bi u Doboju nekolicine članova Foruma mladih SDPBiH koji su, kažu, napravili štos

dijelili prisutnima tablete za antifazizam, vijest iz dobojskog parka ostala bi nezapažena.

Tablete za antifazizam i nisu štos, već bi ih trebalo što prije unijeti u esencijalne liste, jer jako nedostaju Bosni i Hercegovini. Neki slutu da od četvrtog oktobra neće trebati.

ZAPOŠLJAVANJE NA ZDK FEDERALNI ZAVOD ZA ZAPOŠLJAVANJE ODOBRILO SREDSTVA

Federalni zavod za zapošljavanje je ovih dana objavio javni poziv pravnim i fizičkim licima za prijavu za sredstva sufinansiranja programa zapošljavanja osoba sa invaliditetom i drugih teže zapošljivih grupa nezaposlenih osoba u 2010. godini, programa zapošljavanja i samozapošljavanja žena i programa zapošljavanja i samozapošljavanja povratnika. O tome smo razgovarali sa direktorom kantonalne Službe za zapošljavanje Nihadom Pašalićem.

Federalni zavod je objavio ukupno četiri javna poziva. U dnevnim novinama 28. aprila najprije su objavljena tri poziva na kojima se potiče, odnosno sufinansira samozapošljavanje i zapošljavanje određenih kategorija. Prvi program je, kako kaže gospodin Pašalić, zapošljavanje mladih bez radnog iskustva, ono što mi obično kažemo pripravniku. Federalni zavod je izdvojio 2 miliona za te namjene. Na područje Zeničko-dobojskog kantona otpada 321 hiljada KM. Znači, poticaj dobijaju poslodavci u bruto iznosu od 600 KM po pripravniku. Po tom osnovu u našem kantonu bi trebalo da se zaposli oko sedamdeset pripravnika mladih od trideset godina koji su završili fakultet ili višu školu. Postoji i mogućnost i za niže spreme. No vidjet ćemo kakva je zainteresiranost poslodavaca.

Drugi program koji je istog dana objavljen je zapošljavanje invalida i žena žrtava nasilja, kao i osoba blago ometenih u razvoju koji vrijedi na nivou Federalnog zavoda milion KM. Na naš kanton otpada da damo poticaj od 168 hiljada KM. Programom Federalnog zavoda je predviđeno da zaposlimo 15 invalida kod poslodavaca i pet žena. Ukupno znači 20 osoba. Kada se radi o zapošljavanju kod poslodavaca, poticaj je 700 KM mjesečno uz obaveznu poslodavca da takvo lice zadrži 12 mjeseci u radnom odnosu. Kad se radi o samozapošljavanju, poticaj iznosi osam hiljada i četiri stotine po osobi i može se usmjeriti u poljoprivredu, proizvodno-uslužno zanatstvo, domaću radinost i seoski turizam. Bitno je za ovu kategoriju naglasiti da mogu



Miralem Šarić (desno), direktor Federalne službe za zapošljavanje i Nihad Pašalić, direktor Kantonalne službe za zapošljavanje u Zenici

aplicirati invalidi i žene koji su se nalazili na evidenciji prije objave ovog javnog poziva.

Treći program od 28. aprila je zapošljavanje žena starijih od trideset godina, bez obzira na njihovu školsku spremu, koji vrijedi 2 miliona na nivou Federalnog zavoda, a na našem kantonu je dozvoljen poticaj od 320 hiljada konvertibilnih maraka. Tim poticajem je predviđeno da se zaposli 96 žena starijih od trideset godina. Od toga osamdeset zapošljavanja kod poslodavaca gdje je poticaj poslodavcu tri hiljade KM za zapošljavanje od dvanaest mjeseci i 16 žena za samozapošljavanje koje traje takođe 12 mjeseci, uz to da je poticaj za samozapošljavanje pet hiljada za bavljenje poljoprivrednom djelatnošću, 4 i po hiljade za proizvodno i uslužno zanatstvo i 4 hiljade za domaću radinost i seoski

turizam. Za ove kategorije mogu aplicirati i one žene koje su se nalazile na našoj evidenciji šest mjeseci prije objave poziva. Takođe je objavljen i četvrti javni poziv u dnevnim listovima. To je javni poziv za učešće u programu zapošljavanja i samozapošljavanja povratnika u 2010. godini po kome je izdvojen ukupan iznos sa Federalnog zavoda milion i 350 hiljada KM. Radi se o zapošljavanju ukupno 390 nezaposlenih osoba povratnika, s tim što je i ovdje moguće zapošljavanje 300 povratnika kod poslodavaca uz poticaj od tri hiljade KM bespovratno po jednoj osobi i da ostanu u radnom odnosu od 12 mjeseci. Poticaj za samozapošljavanje je 90 povratnika u iznosu od četiri do pet hiljada po jednoj osobi, uz iznos od pet, četiri i po i četiri hiljade KM kao i kod žena.

Dakle, to su ukupno ta četiri programa i mi ćemo pristupiti njihovoj realizaciji kad prispiju aplikacije, a one se predaju u nadležni biro prema mjestu prebivališta ili direktno Službi za zapošljavanje jer, po ovom programu Federalnog zavoda, sve poslove oko implementacije, odnosno realizacije ovih javnih poziva izvršit će kantonalna služba Zavoda za zapošljavanje.

RNN

U Doboj Jugu potpisani ugovori o ribolovnim zonama u ZDK MAGLAJ, ŽEPČE, ZAVIDOVIĆI I OLOVO NA ČEKANJU



Ermina Bukurević, Plaketa



Ribolovci, potpisivanje ugovora

Ministrica poljoprivrede, vodoprivrede i šumarstva ZDK Mirzeta Donlagić u Doboj Jugu je u ime Ministarstva sa devet sportskih ribolovnih društava potpisala ugovore o gazdovanju vodama u šest ribolovnih zona. Dodjela svojevrsnih koncesija na gazdovanje ribolovnim zonama umnogome će, ističe ministrica, poboljšati stanje u ovoj oblasti.

Ovaj ugovor znači da će u narednih deset godina ova udruženja koja su dobila ovo ribolovno pravo upravljati i gospodariti i vodama i kompletnim ribljim fondom u svojoj zoni - kazala je ministrica Donlagić.

Tih deset godina će nam dati velike mogućnosti da planski i na duže staze stvorimo što bolje uslove na očuvanju ribolovnog fonda - kaže Ilhan Klančević iz Udruženja građana sportskih ribolovaca "Vatreš".

Iako postoji 13 godina, Sportski ribolovni savez ZDK prvi puta je javno odao priznanje najzaslužnijim pojedincima i društvima.

Pošto je naš rad volonterski, priloga su dali pojedinci koji su održali nivo rada ovog saveza, pa smo im se ovom prilikom zahvalili - kaže Sidik Uzunović, predsjednik SRS ZDK kojem je uz Miru Vrljića iz Breze, Salima Skenderovića iz Žepča (posthumno) i Hilmiu Širbegovića iz Tešnja uručena Povelja Saveza.

Plakete su dobili Fadil Kubat iz UGRS "Bistro" Kakanj, SRD "Jelah-Tešanj" i Ermina Bukurević iz Visokog.

Do sad sam uspjela da se četiri puta plasiram u reprezentaciju BiH. I ove godine je tako. Trebali bismo ići na Svjetsko prvenstvo u Afriku, ali sve je upitno zbog nedostatka novca - kaže nam Ermina.

Značke su dobili Džemal Čano iz Visokog i Sead Sarajlić iz Žepča.

Po otklanjanju proceduralnih nedostataka i okončanju žalbenog roka bit će potpisani i ugovori o gazdovanju u ribolovnim zonama u Maglaju, Žepču, Olovu i Zavidovićima.

Prilog fotke: M. Čabrić

Vlada Hrvatske pomaže obnovu kuća u Maglaju

Planirano uložiti 100.000 eura

Ugovore potpisali Anto Relatić, Saša Tirić, Marijan Banović, Drago Dunder, Mirko Markanović, Ilija Perković, An-to Kožul, Janja Relota, Anica Mamić i Vinko Ezgeta

Branko Mučina iz Ureda za regionalni razvoj u Vladi Republike Hrvatske potpisao je ugovore sa deset porodica hrvatske nacionalnosti sa maglajskog područja o pomoći u sanaciji, rekonstrukciji i obnovi njihovih stambenih jedinica.

Pomoć Vlade za obnovu deset kuća hrvatskih porodica u Maglaju iznosi oko 100.000 eura i, kako je istaknuto na prigodnoj ceremoniji, samo je nastavak realizacije programa pomoći ove susjedne zemlje, koju već od 2001. godine pruža Hrvatska u BiH.

Naravno da smo sret-

ni. Hvala Vladi Hrvatske što će nam olakšati život. Mi smo šestočlana porodica - supruga, ja, sin, snaha i dvoje unučadi. Živimo u 40-ak kvadrata, nešto smo sami započeli sanirati, a ova sredstva dobro će nam doći da nastavimo planirano - rekao nam je Anto Relatić iz Radojića.

Pored Relatića ugovore su potpisali i Saša Tirić, Marijan Banović, Drago Dunder, Mirko Markanović, Ilija Perković, An-to Kožul, Janja Relota, Anica Mamić i Vinko Ezgeta.

RNN

Općina Doboj Jug



Načelnik Džavid Aličić i projekt menadžer MDP Dalibor Đerić potpisali Aneks sporazuma

RADIĆE SE NOVA ŠALTER SALA

Već šestu godinu Općina Doboj Jug je partner zajedno sa nekoliko općina regije u Projektu razvoja općina (MDP) na Dobojskoj regiji koji financira Švicarska organizacija za međunarodni razvoj SDC, a implementira Centar za menadžment, razvoj i planiranje - MDP Inicijative sa sjedištem u Dobouju. Ukupna vrijednost implementiranih projekata u ovoj općini iznosi 886.872,00 KM, pri čemu je učešće MDP 407.861,90 KM.

Nastavljajući partnersku saradnju, nedavno je potpisan Aneks sporazuma na reali-

zaciji Projekta MDP kojim se definišu principi sufinansiranja implementacije projekta Općine Doboj Jug odobrenog u okviru direktne budžetske podrške.

Ovim se Općini Doboj Jug stavlja na raspolaganje 40.000,00 KM za sufinansiranje projekta dogradnje i opremanja šalter sale u Općini Doboj Jug ukupne vrijednosti od 60.000,00 KM. Razliku od 20.000 KM za ove namjene obezbijedila je Općina Doboj Jug.

M.BEGIĆ

TRŽNI CENTAR BINGO I U MATUZIĆIMA

DOBOJ JUG

Senad Džambić, vlasnik i direktor preduzeća *Bingo* iz Tuzle i načelnik Općine Doboj Jug Džavid Aličić u Matuzićima, Općina Doboj Jug, su otvorili novi tržni centar. Kako nam je izjavio marketing-menadžer *Bingo* Rešad Mehmedagić, u ovom objektu novo zaposlenje je našlo sedamdeset radnika, što ohrabruje, pogotovo u vrijeme recesije.

Ovo je naš šesnaesti tržni centar, a uskoro ćemo otvoriti nove objekte u Prijedoru, Kaknju i Modriči, s tendencijom prisustva na cijelom području naše zemlje - kazao je Mehmedagić i dodao da je na četiri hiljade kvadratnih metara na

dvije etaže lepeza od pedeset hiljada artikala gdje je zastupljenost roba sa bh. brendom od šezdeset procenata.

Firma *Bingo* ima nekoliko sopstvenih tvornica u Srebreniku, Brčkom, Kalesiji...

U grupaciji *Bingo* uposleno je tri i po hiljade radnika. Svečanom otvaranju novog tržnog centra u Dobouju prisustvovali su brojni poslovni partneri, te predstavnici javnog, kulturnog i političkog života zemlje.

Svaki kupac koji je prvog dana ostvario promet u ovom objektu od pedeset i više maraka dobio je poseban poklon-paket.



Bingo u Matuzićima

Nova investicija u Matuzićima

Posao za 30 radnika

- Ulaganje od dva miliona KM
- Zatvaranje razvojnog ciklusa



Sa svečanog čina polaganja kamena temeljca za novi prodajno-servisni centar u Matuzićima

Kompanija *UNO* ozvaničila je početak izgradnje novog prodajno-servisnog centra u Matuzićima, općina Doboj Jug. Prema riječima vlasnika Izudin Turkeša, objekat na dvije etaže s oko 3.000 kvadratnih metara koštati će oko dva miliona KM. S

obzirom na specifičnosti položaja i teren, njegov završetak se očekuje u drugoj polovini iduće godine.

UNO uspješno posluje 16 godina, a trenutno je u firmi uposleno 49 radnika. Zbog proširenja djelatnosti, do kraja ove godine Turkeš je najavio upošljavanje novih

tridesetak radnika, čime će se potpuniti planirani razvojni ciklus.

- Ovo je za mene veliki dan, jer sam dugo čekao da na području ove perspektivne općine imamo vlastiti savremeni centar - kazao je Turkeš.

U Općini Doboj Jug POTPISANI UGOVORI ZA STIPENDIJE MINISTARSTVA BIZ-a ZDK

Ministar za boračka pitanja u Vladi ZDK Sead Nalić sa saradnicima boravio je u posjeti Općini Doboj Jug. U ime ovog ministarstva on je potpisao ugovore sa trideset dva studenta ove općine kojima je po kriterijima Ministarstva BIZ-a ZDK odobrena stipendija za školsku 2009/2010. godinu.

- Ukupna sredstva po ovom osnovu iznose tridesetdvije hiljade maraka, što ohrabruje, jer

je iz godine u godinu sve veći broj studenata sa ove općine koji ostvaruju pravo na boračke stipendije - kazao je načelnik Općine Džavid Aličić, čestitajući studentima dobijanje stipendija.

- Ovo je za sve nas svečan trenutak - kazao je načelnik Aličić, poručivši studentima da je njihova osnovna zadaća da dobro uče, što će biti njihova najbolja potvrda ukazanom povjerenju.

Općina Doboj Jug i fondacija *MozaiK*

POTPISALI MEMORANDUM O OSNIVANJU OMLADINSKE BANKE



Sa potpisivanja memoranduma o osnivanju omladinske banke

Fondacija *MozaiK* na području općine Doboj Jug djeluje pet godina. Kroz desetak projekata u partnerstvu sa lokalnom zajednicom do sada je ovdje investirano blizu sto hiljada maraka. Dobra saradnja sa ovom organizacijom opredijelila je načelnika Općine Džavida Aličića da kandidira otvaranje omladinske banke, pa su nedavno on i izvršna direktorica fondacije *MozaiK* Vesna Bajšanski-Agić potpisali memorandum o osnivanju ove banke u Doboju Jugu.

Potpisnici memoranduma su se obavezali da će kao inicijalna sredstva izdvojiti po deset hiljada


maraka za sufinansiranje projekata koji budu dolazili od mladih ove općine. Projekat omladinskih banaka je zaživio u Bosni i Hercegovini unazad pet godina. U toku pomenutog perioda u ovom programu je uspješno sudjelovalo petnaest lokalnih zajednica. Program podrške osnivanju omladinskih banaka daje Američka organizacija za međunarodnu saradnju *USAID* koja je do sada izdvojila šest stotina hiljada maraka. Lani je kroz ovaj program investirano u razne projekte dvije stotine sedamdeset šest hiljada maraka, a tokom ove godine program će obuhvatiti još deset novih općina,

pet u RS-u i pet u Federaciji BiH, među kojima je i općina Doboj Jug. Na mladima Doboj Juga predstoji zadatak da do kraja aprila oforme desetočlani odbor ove banke. Članovi odbora će imati višednevne edukacije iz oblasti pisanja projekata, praćenja implementacije projekata i primjene procedura. Nakon toga raspisuje se javni poziv za kandidiranje omladinskih projekata koji će se odobravati u skladu sa procedurama banke. Pravo učesća imaju mladi od petnaest do trideset pet godina.

Na ovaj način će mladi preuzeti samoinicijativu i sami o sebi odlučivati, i to je ono što je dobro, kazao je načelnik Aličić, dajući podršku ovoj inicijativi.

Nakon svečanog potpisivanja memoranduma, načelnik Doboj Juga Džavid Aličić je uručio *MozaiK* općinsko priznanje - zahvalnicu u znak podrške brojnim aktivnostima u kojima je ova fondacija bila partner.

Ovo je za *MozaiK* itekako značajna potvrda da smo radili u korist lokalne zajednice, posebno projekte za određene kategorije lica, kao što su paraplegičari i lica sa inkluzijom. Mladima se tek pruža šansa da pokažu svoje vrijednosti, u čemu ćemo ih kroz projekat *Omladinska banka* pomoći, tajnije oni će najviše pomoći sebi, a mi ćemo ih u svemu podržati - kazala je izvršna direktorica *MozaiKa* Vesna Bajšanski-Agić, zahvaljujući se na primljenom priznanju.



U Doboj Jugu

Sa okruglog stola u Doboj Jugu

OKRUGLI STO O POJAVI PTSP-a U POSLIJERATNOJ ZAJEDNICI

U organizaciji udruženja mladih *Veritas* u Matuzićima je održan okrugli sto na temu pojave post-traumatskog stresnog poremećaja u poslijeratnoj zajednici na kome su demobilisanim borcima ove općine o ovoj sve češćoj pojavi govorili dr. Avdo Šašukić, rukovodilac Klinike za psihijatriju UKC Tuzla, Alija Muratović iz Udruženja za mentalno zdravlje *Feniks* iz Tuzle, te članovi Udruženja oboljelih od PTRS *Život Sarajevo*, Udruženja hranitelja Bosne i Hercegovine i članovi Centra za razvoj civilnog društva.

- Cilj stola je educiranje i verbalizacija proživljenog događaja koji vodi izlječenju. Na ovakav način nastojimo konačno osvješćivanje i osnaživanje boračke populacije i članova njihovih porodica, posebno u istraživanju na zakonskoj legalizaciji ove bolesti. Kroz pozitivne primjere nastojimo

razviti što veće razumijevanje i percepciju PTSP-a, a kod oboljelih razviti samopoštovanje i samopouzdanje - kazala je moderator okruglog stola dipl. scr Alma Numić.

Kako je PTSP odložena reakcija na doživljeni psihički stres, to je jedan složeni poremećaj koji na pojedinca ostavlja, pored akutne reakcije (nakon sedamdesetih sata nakon stresa) naknadne posljedice koje mogu danima, mjesecima, pa i godinama imati zakašnjele reakcije, a što pojedinačno ovisi od svake ličnosti ponašao.

Dr. Avdo Šašukić je kazao da se za lica oboljela od PTSP-a u početnom stadiju utvrđuje invalidnost od četrdeset procenata, dok ona, ako bolest uznapreduje, može biti šezdeset i više posto. On je pozvao građane, demobilisane borce posebno da se ne stide javljati svom ljekaru i objasniti mu simptome.

- Nemojte na svoju ruku uzimati lijekove za smirenje - kazao je dr. Šašukić, naglasivši da već imaju specijalizovane ustanove za medicinske tretmane oboljelih od ove bolesti.

U nekoliko primjera koje su iznijeli, prije svega Alija Muratović, član udruženja *Feniks* Tuzla i Kerim Tobić iz Udruženja *Život Sarajevo* prozvana je država kao glavni krivac zašto se ova bolest priznava samo od 23. decembra 2007. godine, kao da se radi o običnim ogrebotinama i povredama.

- Pogledajte da je u zemljama Evrope, pa i našeg okruženja (u Hrvatskoj) ova bolest zakonom definirana. Mi smo podnijeli amandmane na izmjenu Zakona o pravima boračkih populacija u namjeri da država prizna ovo oboljenje, ali od toga izgleda nema ništa, jer bi ovaj zakon direktno zadirao u novčana davanja. Bitno je da

Održana 14. sjednica Foruma za bezbjednost građana

GRAĐANI POZVANI NA SARADNJU SA POLICIJOM

U novim prostorijama Policijske stanice Doboj Jug u Matuzićima po prvi puta je održana sjednica Foruma za bezbjednost građana općine Doboj Jug (FBG), inače četrnaesta po redu otkako je mandat ovog nestranačkog savjetodavnog općinskog tijela.

Po ustaljenoj praksi, na dnevnim redu našla su se pitanja stanja bezbjednosti na području općine, te aktuelni problemi iz oblasti narkomanije. Konstatovano je da je kriminalitet u odnosu na 2008. godinu u prošlog godini povećan za pet krivičnih djela (među ovim djelima su najveći problemi žiranata sa mikrokreditnim organizacijama, jer im dužnici ne vraćaju kreditne anuitete), zatim su tu djela narušavanja javnog reda i mira (28 narušavanja za koja se tereti 36 lica koja su načinila 44 razna prekršaja). Zbog toga je PS podnijela tužilaštvu 13 zahtjeva na dalje postupanje. Što se tiče saobraćaja, na ovom području je re-

gistrovano 60 saobraćajnih nezgoda sa dva smrtna slučaja i četiri teške tjelesne povrede. Za prva tri mjeseca 2010. godine od šest učinjenih krivičnih djela četiri su razotkrivena. Zabrinjava podatak da su u izvršenju ovih djela učestvovala maloljetna lica.

Osim toga, članovi FBG su pogledali prezentaciju o štetnom uticaju droge, koja je sve veća prijetnja, pogotovo za mlade uzraste. FBG Doboj Jug je donio niz preporuka među kojima se izdvaja poziv građanima općine na saradnju sa Policijskom stanicom u uočavanju svih negativnih pojava, sa posebnim osvrtnom na maloljetničku delikvenciju, zatim poziv O.Š. "21. mart" Matuzići na nastavak ranije uspostavljene saradnje u smislu educiranja učenika i njihovih roditelja na sve veću opasnost od prisutstva, distribucije i upotrebe opojnih sredstava. Dogovoreno je da se sjednice FBG održavaju najmanje jedanput u dva mjeseca, a po potrebi i češće.

Održana Osmu skupština Udruženja paraplegičara i lica oboljelih od dječije paralize ORGANIZACIJA ZA PRIMJER DRUGIMA

U prostorijama Udruženja paraplegičara i lica oboljelih od dječije paralize u Matuzićima, općina Doboj Jug, održana je redovna, osma po redu, Skupština ovog udruženja. Delegati su, između ostalog, usvojili finansijski izvještaj i izvještaj o radu Udruženja za proteklu godinu, zatim o radu Nadzornog odbora za isti period, te plan i program rada za tekuću 2010. godinu.

Predsjedavajući Skupštine Edib Skulić se osvrnuo na vrlo uspješne rezultate koji su lani ostvareni, ali su oni plod jednog strpljivog i predanog rada članova udruženja. To je rezultiralo da je povodom 21. marta - Dana općine Doboj Jug Općinsko vijeće dodijelilo upravo njemu općinsku zlatnu značku, jedno od najviših priznanja ove lokalne zajednice. Naglasio je da je ovo priznanje ujedno priznanje i njemu, ali i svim članovima udruženja. Sama činjenica da su kroz partnerstvo u zajednici, a u saradnji sa nekoliko humanitarnih organizacija, do sada realizovali više projekata čija vrijednost dostiže skoro sto hiljada maraka. Samo lani, zahva-

ljujući Fondaciju *MozaiK*, realizovano su tri projekta, a u sklopu programa uključivanja djece i omladine sa inkluzijom u društvene tokove. Radi se o projekatima izgradnje pristupnih rampi za biblioteku škole u Matuzićima, te za zgradu područne škole u Mra-vićima.

Jedan od zahtjevnijih projekata u partnerstvu sa zajednicom je bio izgradnja unutrašnjeg stropa društvenog doma u Matuzićima.

Već za naredna dva mjeseca najavili su novi iskorak u realizaciji programa *Javno zaganjevanje*, gdje je prevashodno cilj da se u općinskom budžetu za 2011. godinu nađe prostor za Lokalnu akcionu grupu iz oblasti invaliditeta.

Sasvim je sigurno da će članovi Udruženja nastupiti na predstojećem državnom prvenstvu za invalidna lica koje će se održati na stadionu Koševo u Sarajevu od 4. do 6. juna ove godine. Do sada su u Doboj Jugu donosili obilne medalje iz raznih disciplina invalidskog sporta.

su oni sebi povećali plate i garantovali penzije, a nama kako bude - istakao je Muratović, dodajući da su oboljeli od PTSP-a plutaću bombu koja pluta državom, pa je samo pitanje njene eksplozije.

Od PTSP-a je na području Tuzlanskog kantona od rata na ovamo život sebi prekratilo hiljadusto boraca. U toku četiri godine kroz kliniku je prošlo više od četiri sto-

tine šezdeset oboljelih. Učesnici su preporučili borcima da se što više okupljaju oko udruženja oboljelih od PTSP-a, te da u svojim sredinama formiraju ogranke ili vlastita udruženja i organizacije, jer se mogu na kolektivnoj osnovi više i bolje iznaći pojedinačna rješenja.

M.BEGIĆ

IZVJEŠTAJ SA 16. i 17. SJEDNICE OPĆINSKOG VIJEĆA DOBOJ ISTOK

Usvojen Izvještaj o radu općinskog načelnika u 2009. godini

DOBOJ ISTOK

Održane su 16. i 17. sjednica Općinskog vijeća Doboj Istok. Na 16. sjednici pred vijećnicima se našlo šest tačaka, i to: Prijedlog odluke o raspisivanju javnog oglasa za izbor i imenovanje na pozicije predsjednika i članova upravnih i nadzornih odbora javnih ustanova i javnih preduzeća čiji je osnivač Općina Doboj Istok, zatim Prijedlog odluke o obavljanju volonterskog rada nezaposlenih osoba visoke stručne spreme na području općine Doboj Istok, kao i Prijedlog odluke o visini prosječne konačne građevinske cijene za jedan metar kvadratni korisne površine građevinskog objekta na području općine.

Prvo, ukoliko o Prijedlogu odluke o obavljanju volonterskog rada nezaposlenih osoba visoke stručne spreme.

Ovom odlukom je odobreno obavljanje volonterskog rada za 30 nezaposlenih osoba visoke stručne spreme koje se nalaze na

evidenciji nezaposlenih lica na području općine Doboj Istok. Obavljanje volonterskog rada će se obaviti u Općini Doboj Istok (12), Javnoj ustanovi Mješovita srednja škola (5), Osnovnoj školi "Brijesnica" (4) i JU "Dječije obdanište (1). Klub vijećnika GDS je predložio da se planira obavljanje volonterskog rada i u JZU Dom zdravlja i da se primi bar jedan volonter u slučaju ako se u narednom periodu pojavi zanimanje vezano za Dom zdravlja. Prijedlog Kluba vijećnika GDS je prihvaćen i usvojena je odluka prema kojoj je odobreno volonteriranje za 31 osobu visoke stručne spreme.

Usvojena je i Odluka u predloženom tekstu o visini prosječne konačne građevinske cijene za jedan metar kvadratni korisne površine građevinskog objekta na području općine.

Ova odluka je, inače razmatrana i na 15. sjednici Općinskog vijeća i nije bila usvojena. Nadležna

općinska služba je predložila novu građevinsku cijenu koja iznosi 600 KM. Klub vijećnika NS i LDS se slaže da se odluka usvoji, ali da bude uvećana 100 posto. Klub vijećnika SBIH je predložio da cijena bude 500 KM. Nakon objašnjenja Općinskog načelnika koji su naveli koji je cilj ove odluke i koliko će tačno cijena iznositi za privrednike sa područja općine, klubovi NS i LDS i SBIH su odustali od svojih prijedloga, pa je Odluka usvojena u predloženom tekstu.

Na 16. sjednici Općinskog vijeća, s obzirom da nije bilo prijedbi od strane vijećnika, usvojen je izvještaj o radu Općinskog načelnika za 2009. godinu. Na sjednici su usvojeni i izvještaji o rješavanju upravnih stvari u upravnom postupku u općini Doboj Istok za 2009. godinu, kao i Izvještaj o radu JKP "Čisto" za 2009. godinu.

Verifikovana komisija za izbor predsjednika i upravnih odbora javnih ustanova i preduzeća

Na 17. sjednici Općinskog vijeća u Klokočnici na dnevnom redu našlo se 12 tačaka. Vijećnici su razmatrali četiri prijedloga, pet izvještaja koji su se odnosili na proteklu godinu, dvije informacije, a prihvaćena je i Inicijativa Općinskog vijeća Tuzla o dopuni Zakona o porezu na promet nepokretnosti i prava. Općinsko vijeće Doboj Istok donijelo je zaključak da prihvata inicijativu OV Tuzla o dopuni Zakona o porezu na promet nepokretnosti i prava vezano za oslobađanje od plaćanja poreza na promet nepokretnosti osoba do 35 godina starosti u cilju rješavanja njihovog stambenog pitanja ukoliko oni ili član njihovog porodičnog domaćinstva nisu vlasnici stana, odnosno porodične kuće. Općinsko vijeće Doboj Istok predlaže da se oslobađanje poreza na promet nepokretnosti po stopi od 5 posto za mlade koji prvi puta rješavaju stam-

beno pitanje pored kupovine stana ili kuće odnosi i na kupovinu zemljišta (placa) za izgradnju kuće, jer bi, po predloženoj inicijativi, Zakon bio prilagođen samo osobama koje žive u gradu, dok bi dodavanjem "i placa" bio proširen broj mladih koji bi koristili ovu pogodnost. Zaključak će se dostaviti Ministarstvu finansija Tuzlanskog kantona i objaviti u "Službenim novinama općine Doboj Istok".

Na 17. sjednici Općinskog vijeća prihvaćeni su i Prijedlog odluke o zaključivanju sporazuma između Općinskog vijeća, Općinskog načelnika i nevladinih/neprofitnih organizacija općine, Prijedlog odluke o izmjenama i dopunama Odluke o utvrđivanju kriterija za dodjelu stipendija redovnim studentima, Prijedlog odluke o naknadama članovima Općinske izborne komisije za 2010. godinu, kao

i Prijedlog rješenja o imenovanju Komisije za izbor predsjednika i članova upravnih odbora javnih ustanova i javnih preduzeća čiji je osnivač Općina.

Općinsko vijeće je verifikovalo komisiju i nju sačinjavaju Ibrahim Jahić Čiko (predsjednik) i članovi Omer Hadžić, Ifeta Karić, Sajib Mešić i Izet Hodžić.

Prihvaćeni su i izvještaji o izvršenju budžeta Općine Doboj Istok za 2009. godinu, Izvještaj o utrošku sredstava budžetske rezerve za 2009. godinu, kao i Izvještaj o radu JZU Dom zdravlja Doboj Istok i pregled zdravstvenog stanja stanovništva općine Doboj Istok za 2009. godinu.

Sjednicu je uspješno vodio zamjenik predsjedavajućeg Općinskog vijeća Huseln Mujkić.

F.K.

IZ ARHIVA NAŠIH NOVINA

VELIKA BRIJESNICA:

POČELA REKONSTRUKCIJA ŠKOLE



Devastirana osnovna škola uskoro u funkciji: radove na adaptaciji izvodi "Građevinar" iz Gračanice

Početkom oktobra ove godine počeli su radovi na rekonstrukciji Osnovne škole "Brijesnica", koja je zbog ratnih dejstava 1994. godine izgorjela. Radove izvodi "Građevinar" iz Gračanice, a predviđeno je da se završe do kraja ove godine, ali sve uveliko ovisi i od vremenskih prilika. Sredstva za ovaj projekat obezbijedila je Svjetska banka - Fond za obrazovanje.

Inače, prvobitni objekat škole sagrađen je daleke 1947. godine u sklopu tadašnjeg Doma kulture. Od 1958. do 1962. godi-

ne, nakon popravke, tu je bila smještena šestogodišnja, a potom i osmogodišnja škola. Na sportskom igralištu ove škole 1965. godine odigran je prvi rukometni turnir na kojem su učestvovali ekipe "Partizana" i "Željezničara" iz Doboj, "Partizana" iz Gračanice, te ekipa Brijesnice. Taj turnir prerastao je u Tadićanski Međunarodni dobojski rukometni TV turnir.

Senada Mrkonjić
(Dobojske novine, 15.
novembar/studenj 1999.)

POGLED ISKOSA

SARADNJA KLUBOVA ZAJEDNIČKI INTERES

Nogomet je na prostoru općine Doboj Istok decenijama najljepša sporedna stvar na svijetu. Na općini postoje dva kluba - jedan u Brijesnici, a drugi u Klokočnici. Iako godinama nastupaju s promjenjivim rezultatima, oba kluba u svojim sredinama uživaju ugled. Nažalost, već godinama ovi klubovi rijetko se sastaju i druže. Već godinama postoji rivalitet.

No, toga ubuduće neće biti. Tako su dogovorile uprave ovih klubova. Naime, na inicijativu nekada sportiste i sportskog radnika, a sada načelnika Općine Doboj Istok, Mehmeda Mehinića dogovorena je saradnja, pa će ubuduće klubovi aktivnije sara-

divati. Ovih dana odigrana je i prva utakmica u okviru općinskog kupa. Sljedeći revanš. - Rezultat utakmice nije važan - kaže gospodin Mehinić. - Važno je da se sportisti druže i da zajedničkih snagama vrate one sportske vrijednosti po kakvim se pamto naši prostori. Naravno, i naša lokalna zajednica će pomoći u granicama mogućnosti da sportisti imaju uslove za treniranje. Moram da kažem da sam jako sretan da ovi klubovi neće biti na margini zbog rivaliteta, već će graditi uvažavanje i prijateljstva. To je ono što nam je zajednički interes.

F.K.



Ekipa Brijesnice i Klokočnice pred Kup-utakmicu

RAZGOVOR S POVODOM: Sulejman Delić, pomoćnik načelnika za Civilnu zaštitu Općine Doboj Istok

MINJE I KLIZIŠTA VELIKI PROBLEM



Sulejman Delić, pomoćnik načelnika za Civilnu zaštitu

- Gospodine Deliću, ni manje općine po kilometraži ni više klizišta i mina... Počnimo od ove konstatacije, jer počesto sa proljetnim i jesenskim kišama, kad rijeka Spreča nadolje i pomahnita, donosi veliku nevolju sprečanskoj dolini.

- U pravu ste. No, dozvolite mi da u samom uvodu, na početku ovog razgovora, kažem da je oblast spašavanja i zaštite koja je u nadležnosti ove službe uređena, rekao bih, na jedan zadovoljavajući način, u skladu sa Zakonom o zaštiti i spašavanju.

Naime, formirali smo posebnu službu u organu uprave, formirali smo Opštinski štab civilne zaštite kao operativni organ koji djeluje u vrijeme kada su u planju nesreće. Moram da kažem da je Služba uradila sve planske dokumente, počevši od procjene ugroženosti, Plan zaštite i spašavanja, pa do Programa razvoja 2007-2011. godina na prostoru općine Doboj Istok.

Kad govorimo o ugroženosti općine Doboj Istok, potpuno ste u pravu. Naime, i procjena kao osnovni planski dokument to potvrđuje, da je općina, kad posmatramo svih petanest mjerata zaštite i spašavanja, među najugroženijim na prostoru Tuzlanskog kantona kad se radi o pojavi poplava, klizišta i

ugroženosti minsko-eksplozivnim sredstvima.

Minsko-eksplozivna sredstva veliki problem

- Kad se radi o minsko-eksplozivnim sredstvima tokom prošle godine smo od građana prikupili 200 komada različitih neeksplozivnih ubojnih sredstava, imali smo jednu minsku nesreću u kojoj je jedan građanin Lukavica Rijeke zadobio lakše povrede, a moramo pomenuti da je od prestanka rata do danas ukupno stradalo 35 civila, od čega njih 15 sa smrtnim ishodom. Podsjetiti da je područje općine Doboj Istok površine 40 kvadratnih kilometara, a pod minskim poljima je 2,83 posto teritorije, ili oko milion i tristo kvadratnih metara površine.

- Upoznati smo da je već dvije godine u toku akcija razminiranja uz pomoć međunarodne zajednice...

- Prošle godine smo - kaže gospodin Delić - uspjeli realizovati dva projekta, a prenešen je i u ovu godinu. Radi se o lokalitetu mjesne zajednice Stanić Rijeka, neposredno uz magistralni put. Deminira se lokacija neposredno uz stambene ob-

jekte površine od oko 35 hiljada kvadratnih metara, vrijednosti oko 200 hiljada KM. Projekat realizira firma Intersos iz Sarajeva, a projekat je doniran od strane Vlade Italije u okviru sporazuma koji je Općina Doboj Istok potpisala sa državom.

- Kad sam se spremao za ovaj razgovor u autobusu me zamošle dvojica saputnika da vas pitam: "Kad će se očistiti od mina ovo naše općinsko područje?"

- Moram da kažem da je to pitanje vrlo teško. Teška su, znate, i vremena za državu Bosnu i Hercegovinu kad se radi o finansijskim sredstvima. Naime, svaki projekat zahtijeva izuzetno velika sredstva, koja u ova vremena nema ni država, ni kanton, a ni općina, tako da smo oslonjeni na donatorska sredstva u najvećoj mjeri.

Prema strategiji BH MAK-a i države, BiH treba da se do 2019. godine očisti od mina. Ja bih bio prestretan da bude do tog roka.

Klizišta na općini

- Klizišta su poseban problem općine Doboj Istok. Evo, ja ću koristiti podatke iz Prostornog plana po kojem je jedna trećina gra-

devinskog zemljišta na općini ugrožena klizištima. To je oko 11 posto građevinskog zemljišta ili oko pet posto klizišta u naseljima. Ukupno, prema Prostornom planu, registrovano je 256 klizišta, od čega je Služba u fazi izrade registra klizišta obradila njih 66. Napomenuo bih da smo u dosadašnjem periodu imali što ugroženih, što oštećenih, što uništenih oko 124 stambena i pomoćna objekta, na preko 26 lokacija su pokidani lokalni putni pravci, oštećene vodovodne instalacije, mezarja i drugi objekti na oko 46 lokacija itd.

Ova oblast je veoma kompleksna kad je u pitanju sanacija. To su izuzetno skupi radovi i zahtijevaju poseban pristup. Zbog poteškoća u finansiranju naša općina se opredijelila za metodu djelimične sanacije iz vlastitih sredstava onih klizišta koja Služba utvrdi kao prioritet. Do sada smo na ovakav način uspjeli sanirati 26 klizišta, znači prioriteta, gdje je uloženo preko 500 hiljada KM.

Poplave rijeke Spreče

- Rijeka Spreča često donosi probleme. Recite nam kako se borite sa tim problemima?

- Česte poplave su jedan od najvećih problema za ovu općinu i, evo, u kontinuitetu posljednjih petnaest godina imamo poplave u dolini rijeke Spreče, približno na 300-400 hektara poljoprivrednog zemljišta, rekao bih najplodnijeg zemljišta. To je jedan problem. Drugi problem je što uvijek poplavi između 20 i 30 stambenih objekata. To je naročito izraženo u mjesnoj zajednici Klokotnica. Štete su ogromne. One su milionske i jedan od razloga zašto je Općina Doboj Istok potpisala sporazum sa Vladom Italije zajedno sa općinama Lukavac, Petrovo, Gračanica, Doboj i Doboj Istok u cilju regulacije rijeke Spreče. Inače, ovaj projekat sa Vladom Italije implementira se na šest godina.

Dodajmo da je ovaj projekat sa Vladom Italije i provincije Areko koristan jer predmet sporazuma je i deminiranje doline Spreče, regulacija njenog vodotoka, ali i opremanje i obuka struktura Civilne zaštite, kako na našoj općini tako i na gore pomenutim općinama - rekao je za Naše novine Sulejman Delić, pomoćnik načelnika za Civilnu zaštitu Općine Doboj Istok.

F.KAPETANOVIĆ

DOBOJ ISTOK

U Doboj Istoku

PROMOVISANA KNJIGA RODOSLOVLJE PORODICE KLOKIĆ

Kada neko napiše knjigu o svom porijeklu, o porijeklu svoje "loze" on definitivno podiže spomenik i sebi i svojim trgovima. Naravno, knjige ove vrste su vrlo zahtjevni istraživački poduhvati, jer se u njima uvijek otkriva nešto što što drugi nisu do tada dokučili, istražili ili znali. Jedan takav složen posao uradio je Haso Klokčić iz Tešnja, porijeklom iz Male Brjesnice u Općini Doboj Istok, napisavši rodoslov svojih Klokčića, počev od svoga pretka, hadži Osmana Klokčića (1874-1940) do današnjih dana.

Knjiga od trista stranica sa blizu četiri stotine kolor ilustracija i sa hiljadu i pet stotina sedamdeset dva imena loze Klokčića značajki je složena po muškom i ženskom Klokčiću rodoslovu.

O autorovom značajku

pristupu i strpljivom radu na knjizi govorili su Ramiz Brkić, glavni i odgovorni urednik svih Planjaskovih izdanja i ujedno recenzent knjige, zatim profesor historije iz Velike Brjesnice, te Osman Brka iz Tešnja i Abdulah Hodžić iz Gračanice.

- Srce mi je u ovom trenutku kao bundeva veliko, jer sam jako sretan i zadovoljan, ne samo zbog toga što sam se ja, kao dio porodice Klokčić, upustio u ovakav izazov i poduhvat, već što je ova knjiga kao magnet na jednom mjestu okupila pa skoro svu moju rodbinu Klokčića - kazao je autor Haso Klokčić, dodavši da ovakve knjige nikada nisu završen posao, pa je preporučio svim budućim pokoljima i mladim Klokčićima da nastave hronologiju Klokčića, jer bar imaju odakle početi.

M.BEGIĆ



Klokčići na okupu

PRVOMAJSKA PROSLAVA NA RASTOKAMA



Više od osam decenija na Rastokama u Jelahu održava se narodno veselje, iliti vašar. Nakon derentskog vašara jelaški prvomajski sajam je najstariji u Bosni i Hercegovini. I ove godine okupio se narod općina Doboj, Maglaj, Tešanj, Zavidovići... Bilo je i zeničana, višotaka i gračanlija. Bilo je dosta i naših gastarbajtera koji žive i rade u zapadnoevropskim zemljama, a zbog praznika stigli su u svoju domovinu.

Niko u okruženju Jelaha ne propušta prvomajsku proslavu. I ove godine, prema procjeni novinara, Rastokama je prodefilovalo blizu 20 hiljada posjetilaca. Kupovalo se i pazari. Dobro su radili komendijasi i zabavni park. Pod šatorima se pjevalo i igralo. Održana su i

takmičenja u raznim sportskim disciplinama. U hrvanju najbolji mečandžija je bio Čazim Vikić iz Zavidovića. U bacanju kamena s ramena pobijedio je Miralem Hasanbašić iz Tugovića. On je bio pobjednik i u natezanju klipa. Mirza Garibović je pobjednik u razbijanju čupa povezanih očiju. U penjanju na jelić pobijedio je Ferid Spahić iz Zavidovića, u natezanju konopca pobijedila je ekipa Tugovića (općina Tešanj). Održane su i konjske trke bez jahača. Prvo mjesto pripalo je vrancu Amira Bešlića iz Doboja.

Na kraju pohvalimo i veoma uspješnu organizaciju prvomajске proslave na Rastokama. Naravno, sve čestitke Organizacionom odboru i Mjesnoj zajednici Jelaha.


F.K.

JELAH



2. maj 2010.

Foto-album Naših novina



SA ZBORA GRAĐANA U JELAHU

MJEŠNA ZAJEDNICA TRAŽI SVOJA PRAVA

U skladu sa Odlukom Skupštine MZ Jelaha, a u vezi rješavanja pitanja vezanih za općinsku Odluku o vodovodu i kanalizaciji, kao i radu ulične rasvjete, 26. aprila 2010. godine održan je Zbor građana Jelaha-Centar na kojem su građanima predloženi zaključci Skupštine ove MZ oko rješavanja vodovodne i kanalizacione mreže u Jelahu. Na sjednici je bilo prisutno više od 200 građana, a nakon provedene rasprave Zbor je uz samo dva suzdržana glasa donio slijedeće zaključke:

1. Daje se podrška odlukama Skupštine MZ Jelaha oko

vraćanja u nadležnost kanalizacione mreže u Jelahu Mjesnoj zajednici Jelaha od KP "Rad" Tešanj, koja je do sada vršila naplatu naknade bez odobrenja i bilo kakvog ugovora sa vlasnikom objekta - Mjesnom zajednicom Jelaha.

Sa 31. aprilom 2010. godine prestaje pravo KP "Rad" Tešanj da vrši naplatu naknade za troškove održavanja kanalizacione mreže po bilo kom osnovu, kao i Općine Tešanj da vrši naplatu priključne takse.

Mjesna zajednica Jelaha će posebnom odlukom regulisati način upravljanja i korištenja kanalizacione mreže u Jelahu u skladu sa Zakonom.

2. Da se naknada za održavanje kanalizacione mreže u Jelahu utvrdi na osnovu zadnjeg računa od KP "Rad" Tešanj koji se odnosi na troškove održavanja kanalizacione mreže, a shodno utrošku vode po kubnom metru.

3. Da se izvrši anketa građana po pitanju spremnosti izdvajanja sredstava za održavanje i rad ulične rasvjete, održavanja javnih površina i zimskog održavanja puteva.

4. Daje se puna podrška odlukama Skupštine i Savjeta MZ Jelaha vezano za rad Pijace u Jelahu.

I ove godine organiziramo



Program manifestacija "Jelaško Ljeto 2010"

MANIFESTACIJA	DATUM	LOKACIJA ODRŽAVANJA
EKO AKCIJA "ČUVAJMO RIEKU USORU"	06.06.2010.	Prostor zv. "Rastoke" u Jelahu
IZBOR NAJLJEPŠE UREĐENOG DVORIŠTA I BALKONA NA PODRUČJU MZ JELAH	12.06.2010.	MZ Jelaha (Jelaha, Potočani, Cerovac i Jelaha-polje)
TURNIR U MALOM NOGOMETU	23.06.2010.	Sportski poligon OŠ "1. mart" Jelaha
ULIČNA KOŠARKA	27.06.2010.	Trg "Branilaca BiH" u Jelahu
DJEČJI FESTIVAL "DJECA PJEVAJU HITOVE"	02.07.2010.	Trg "Branilaca BiH" u Jelahu
TURNIR MAHALA	04.07.2010.	Stadion "Šibovi" u Jelahu
KICK BOXING TURNIR "ŠEHIDI POUSORJA"	10.07.2010.	Sportski poligon OŠ "1. mart" Jelaha
NOGOMETNI TURNIR "SAKIB SUBAŠIĆ - MANGA"	17. i 18.07.2010.	Stadion "Šibovi" u Jelahu
10. MEĐUNARODNI FESTIVAL FOLKLORA	24.07.2010.	Trg "Branilaca BiH" u Jelahu
DANI AMATERSKE UMJETNOSTI	30.07.2010.	Klubana NK "Borac" Jelaha-Šibovi
8. MEĐUNARODNI MUSIČ FEST "RASTOK"	31.07.2010.	Sportski poligon OŠ "1. mart" Jelaha
2. MEĐUNARODNI NOGOMETNI TURNIR PIONIRA "IBRAHIM DONLAGIĆ"	08.08.2010.	Stadion "Šibovi" u Jelahu
MANIFESTACIJE U POVODU "DANA MZ JELAH"		
CIELOVEČERNJI KULTURNO-ZABAVNI PROGRAM U POVODU DANA MZ JELAH	11.09.2010.	Trg "Branilaca BiH" u Jelahu
IZLOŽBA STARIH RADIO APARATA	11.09.2010.	Etno muzeji u Jelahu
ETNO-IZLOŽBA	11.09.2010.	Etno muzeji u Jelahu
GABANJE GLINENIH GOLUBOVA	12.09.2010.	Prostor zv. "Rastoke" u Jelahu
6. MEĐUNARODNO TAKMIČENJE TAKMIČENJE U LOVU RIBE NA PLOVAK	11.09.2010.	Ribarska staza u Jelahu

Rastoke Jelaha

U DOBOJU OBILJEŽEN 9. MAJ - DAN EVROPE BiH TREBAJU TABLETE ZA ANTIFAŠIZAM


Ovo su poručili mladi SDP-a BiH koji su pored polaganja vijenaca u parku Narodnih heroja u Doboju, povodom obilježavanja 9. maja - Dana pobjede nad fašizmom, dijelili simbolične kutije sa tabletama za antifašizam.

Inače, u Doboju se 9. maja tradicionalno okuplja stotinjak preživjelih boraca učesnika NOR-a, za koje je ovaj dan jedan od najvećih datuma prošlog stoljeća, kada su poraženi nacistička Njemačka i Hitlerov režim. O tim danima iz 1945. godine, te o stradanju naroda ovog kraja i borbi za slobodu emotivno je govorio predsjednik SUBNOR-a Doboja Marinko Goković, poručivši današnjim i budućim generacijama da je fašizam najveće zlo koje može zadesiti čovječanstvo.

- Zašto danas ne reći u povodu ove svečanosti 9. maja i 65. godišnjice pobjede nad fašističkim okupatorom i njegovim slugama da su Narodnooslobodilačka vojska i partizanski odredi dali veliki doprinos slamanju kičme fašističkom okupatoru. Mi borci NOR-a ponosni smo što smo bili u slavnom partizanskim jedinicama pod komandom maršala Tita.

Sjećajući se tih datuma i događaja iz herojske prošlosti, mi borci NOR-a i njihovi potomci i svi rodoljubi svake godine obilježavamo ovaj datum i sjećamo se onih koji su nam donijeli slobodu i mir koju smo uživali nepunih pedeset godina u nekadašnjoj Jugoslaviji. Poruka mladima: kad imate vremena dođite na ovo mjesto i poklonite se sjenima poginulih boraca i heroja, žrtvama fašističkog terora i stavite crveni cvijet ili ružu, znak slobode i svjetlosti, jer oni ne smiju biti zaboravljeni.

Ti slavni datumi i događaji - naglasio je u svom obraćanju



Sa svečanosti u parku Narodnih heroja u Doboju



U okviru obilježavanja ovog datuma izdvajaju se aktivnosti Centra za promociju evropskih vrijednosti Europlus iz Doboja. Ova organizacija je u nedjelju autobusom sa pedeset dobojskih srednjoškolaca obišla Bosanski Brod, Derventu, Doboju, Maglaj, Tešanj i Teslić, gdje su u saradnji sa lokalnim zajednicama i nevladinim organizacijama koje baštine evropske vrijednosti dijeliti promo-materijale, te izvodili performanse o temi tolerancije, boljeg međusobnog uvažavanja, upoznavanja, druženja i poštovanja, kao i razvoja demokratije na ovim prostorima.

Marinko Goković, predsjednik SUBNOR-a Doboja - stalno upozoravaju da čuvamo slobodu, mir i suživot, jer bez toga nema mira ni napretka među nama, bez obzira ko kojoj naciji pripada.

Svima vama želim da se zahvalim što ste došli da zajedno obilježimo jedan od najradosnijih događaja iz Drugog svjetskog rata, Dan pobjede nad fašizmom. Borcima NOR-a, herojima i žrtvama fašističkog terora neka je vječna slava i hvala.

Svečanom skupu posvećenom 9. maju i Danu Evrope obratio se i Enes Suljkanović, predsjednik Skupštine opštine Doboja, koji je, između ostalog, rekao:

- Drago mi je što sam danas među vama, a posebno među preživjelim borcima, i što mogu da vam čestitam praznik. Koristim priliku da odam poštovanje svim poginulim borcima i žrtvama fašističkog terora.

Danas kada obilježavamo Dan pobjede i Dan Evrope moram da kažem da Opština čini sve u cilju stvaranja i izgradnje ekonomski što jače zajednice, odnosno teži modernom uređenju i prosperitetu grada Doboja koji će biti komotan za sve koji žele da žive u njemu i da ga grade, uređuju, unapređuju kao svoj grad.

Recimo na kraju da su cvijeće i vijence na Spomenik u parku Narodnih heroja položili Delegacija SUBNOR-a Doboja, zatim delegacija Skupštine opštine, delegacija Društva "Josip Broz Tito" iz Doboja, Savez komunista - Opštinski odbor Doboja, SDP BiH - Opštinski odbor Doboja, Opštinski odbor PDP Doboja, Jevrejska opština Doboja i Opštinski odbor SDP-a BiH Doboju.

FK/MB

Obilježeno 18 godina zločina u Grapskoj

NALOGODAVCI I IZVRŠIOCI JOŠ NA SLOBODI



Aljo Hasančević



Hamid Hurić

U prisutvu rodbine, prijatelja i brojnih zvaniča povratnici u Grapsku kod Doboja i ove su se godine s bolom prisjetili događaja od 10. maja 1992. godine kada su srpske jedinice u ovom selu ubile 33 mještana, dok ih je 400 otjerano u logore.

Iako je od stravičnog zločina u Grapskoj proteklo 18 godina, sjećanja povratnika u ovo naselje su veoma živa.

- Meni su tada brata ubili. Da li su ga ubili vani, da li su ga zi-

vog bacili u njegovu kuću, ne znam. On i amidžić mi jedan u njegovoj kući su zapaljeni. Poslije smo u pepelu pronašli kosti - priča nam Hamid Hurić iz Grapske.

- Izgubio sam brata tog 10. maja. Ostao je tu u selu, nije se predao. Tu su ga i ubili. Još se traga za njim - kaže Ibrahim Bego Hidid.

Tih mjeskih dana 400 stanovnika Grapske otjerano je u logore. Prva destinacija bio je logor Bare kod Doboja.

- Zatim Stara Graditka,



Sa svečanosti otvaranja Doma kulture

Manjača. Zatim su prošli logore Batković i Kula kod Sarajeva. U logoru Kula kod Sarajeva ubijeno je 11 momaka iz Grapske, a za 10 momaka koji su odvedeni iz Centralnog zatvora u Doboju 25. maja još i dan danas se traga - priča nam Aljo Hasančević, bivši logoraš iz Grapske.

Od 105 ubijenih i poginulih stanovnika Grapske za 35 se još traga.

- Što je zabijavajuće je da niko još nije procesuiran za zlo-

čin koji se desio na području ove mjesne zajednice 10. maja 1992. godine, mada su imena i prezimena tih osoba itekako poznata - kazao je Adil Osmanović, potpredsjednik RS.

Imena su dobro poznata svima, posebno Grapčanima koji ističu da nema sumnje kako su za ovaj zločin najodgovorniji Andrija Bjelošević, tada načelnik CJB Doboja, Milovan Stanković, komandant odbrane grada, Borislav Paravac, bivši član Predsjedništva BiH, u

maju 1992. predsjednik Kriznog štaba i Izvršnog odbora u Doboju, kao i Milan Ninković, tada predsjednik SDS-a i, u to vrijeme, gospodar života i smrti u dobojskom kraju.

Uz učenje Fatije i mevlud u mjesnoj džamiji, na upotrebu je predan i Dom kulture čiju izgradnju je sa 180 000 maraka finansirala Vlada FBiH. Dom je uz Osmanović svečano otvorio Ministar za izbjegle i raseljene osobe u Vladi FBiH Edin Muhić.

M. Čabrić

SJEĆANJE

TITO

1980 - 2010



Neka nam ne objašnjavaju naše vrijeme s Tobom,
Mi smo to vrijeme živjeli i uživali.
Neka nam ne objašnjavaju naše vrijeme bez Tebe,
Mi to vrijeme jedva preživljavamo i životarimo.

Što vrijeme više odmiče, sve više spoznajemo da je
Titovo doba bilo doba sretne zemlje i sretnih ljudi.
I danas ga se sjećamo s ponosom i poštovanjem.
Neka mu je vječna slava i hvala!

Niko nema pravo da radi na štetu većine naroda

Piše: Josip Broz Tito


Kod nas, u posljednje vrijeme, naročito se eksponiraju nacionalisti iz redova srpskog, muslimanskog i hrvatskog naroda. Srpski nacionalisti u BiH polaze sa poznatim temama ugroženosti srpskog naroda u BiH, o neravnopravnosti, o tome kako je to trebalo da bude u sastavu Srbije i njihove stare poznate teze. Tu su i nacionalisti iz redova muslimanskog naroda. Oni se najčešće eksponiraju o ugroženosti Muslimana. O težnjama da se nacionalni fenomen Muslimana postavlja kao međunarodni problem i da se razmatra na međunarodnim relacijama. Tu je djelovanje i Islamskog centra u Čikagu. Pojavljuju se i pamfleti, gdje se poziva muslimanski narod da se pripremi i naoruža za borbu. Slične su pojave i u redovima nacionalista hrvatskog naroda. Takode imamo i djelovanje informbirova.

(...)

Te grupe koje ste spomenuli, pos-

taju, vidimo, sve bezobraznije. I vjerovatno ćemo morati malo oštrije da nastupimo. Ja se ne bojim toga šta će mi o tim mjerama vani reći.

Da bismo očuvali naš narod koji je zadovoljan sa tim što smo postigli i koji želi da se zemlja još brže razvija, moramo to smeće i onaj drač iščupati iz korijena. Kada se tu pominju prava čovjeka, treba vidjeti - koga i kakvog čovjeka. A ovo su gadovi koji spadaju među kriminalce, pozivaju na zločine i kao takvi treba da dođu pod udar. U božiju mater... Niko nema pravo da radi na štetu većine naroda. I tu se mi nećemo začeti da preduzmemo ono na što imamo pravo. Mi sebi dopuštamo apsurdne stvari. Mi svim tim lopovima dajemo visoke penzije. Oni zatim idu vani, drže predavanja i dobijaju honorare. E, nećemo više tako! Mi ćemo njima oduzeti stanove i možda dati na nekom drugom mjestu. To mogu očekivati. Moramo se sada svim silama toga dohvatiti. (1978)



VRIJEDNOSTI

Ovo su vremena u kojima je teško biti sam. Šta nas onda spaja? Šta pokreće ljude širom zemlje, iz velikih i malih sredina, različitih godina, iskustava, religijskih uvjerenja i porodičnih tradicija? Šta spaja hiljade ljudi da između dvije opcije, dva životna puta, izaberu onaj koji je naizgled teži? Odgovor je jedan. To su vrijednosti. Nešto što kroz život učimo, ono što nam je preneseno od roditelja kao najveće blago, ono što je možda najveći teret, ali i najveći izvor ljudskog ponosa. Vrijednosti su ono što na životnim raskrsnicama daje snagu da izaberemo pravi put, onaj put zbog koga možemo da u oči pogledamo druge, ali i sebe ispred ogledala. Razni su pokušaji relativiziranja onoga što predstavlja SDP. No godinama idemo dalje i okupljamo nove ljude, upravo zato što naša uvjerenja dolaze iz domova, iz lijepog vaspitanja, iz dijeljenja dobrog sa drugima, iz drugarstva. To su vrijednosti. Nešto što kroz život učimo, ono što nam je preneseno od roditelja kao najveće blago, ono što je možda najveći teret, ali i najveći izvor ljudskog ponosa. Vrijednosti su ono što na životnim raskrsnicama daje snagu da izaberemo pravi put, onaj put zbog koga možemo da u oči pogledamo druge, ali i sebe ispred ogledala. Razni su pokušaji relativiziranja onoga što predstavlja SDP. No godinama idemo dalje i okupljamo nove ljude, upravo zato što naša uvjerenja dolaze iz domova, iz lijepog vaspitanja, iz dijeljenja dobrog sa drugima, iz drugarstva. Upravo tamo gdje SDP-ovi načelnici vode opštine politika je zasnovana na spomenutim vrijednostima, vrijednostima uključivanja građana u izgradnju svojih sredina, zajedničkom radu i zajedničkom dijeljenju rezultata. Na narednim stranama nije nam bio cilj samo izlistati postignute rezultate, već ukazati na nit koja te rezultate povezuje, nit koja djela stavlja na prvo mjesto, djela postignuta iskjučivo sa čovjekom i



ZA ČOVJEKA.

OBILJEŽENI DANI SDP BiH U DOBOJ JUGU

I ove, kao i nekoliko prethodnih godina, OO SDP BiH Doboj Jug je u zajedničkoj organizaciji sa OO SDP BiH Doboj na Izletištu "Matošev Dobre" u Mravićima u jednom danu obilježio Dane SDP-a BiH, Dan pobjede nad fašizmom i Dan Evrope.

Manifestaciji je uz prisus-

tvo velikog broja aktivista, članova i simpatizera SDP-a iz Doboja, Doboja Juga, Zenice, Zavidovića, Kotorškog, Pridjela, Ševarlija, Potočana i drugih mjesta iz susjednih općina, prisustvovao i veliki broj građana.

Lijepo vrijeme i prirodni ambijent izletišta bili su idealni za



Senaid Begić, predsjednik Organizacionog odbora manifestacije "Dani SDP-a BiH", sa pobjedničkim ekipom SDP-a Zavidovići

zajedničko druženje u pjesmi, igri i veselju uz bogat sportski sadržaj koji je upriličen turnirom u malom nogometu. Pobjednik turnira je veoma kvalitetna ekipa OO SDP BiH Zavidovići koja je u finalnoj utakmici bila bolja od ekipe "HAVANE".

Poslije ove utakmice odigrana je revijalna utakmica veterana "Doboj Juga" i veterana "Pridjela" u kojoj su slavili domaćini, a uzvratna prijateljska utakmica je planirana za petak, 14. maja, u Pri-

delu.

Inače, u sklopu ove manifestacije član Glavnog odbora SDP BiH i Predsjednik organizacionog odbora manifestacije "Dani SDP-a BiH" Senaid Begić je prisutnim građanima predstavio i delegaciju Kantonalnog odbora SDP BiH Ze-do kantona na čelu sa novoizabranim predsjednikom Mirsadom Mešićem, koji je izrazio zadovoljstvo organizacijom i dočekom od strane domaćina OO SDP BiH Doboj Jug i OO SDP BiH Do-


boj.

Aktivisti Foruma mladih SDP BiH su tokom manifestacije prisutnim dijelili simpatične promotivne materijale sa informacijama o potrebi trajne borbe protiv fašizma i svega onoga što on nosi.

Domaćini su tokom cijelog trajanja manifestacije svim posjetiocima obezbijedili besplatan ručak, grah iz velikog kazana spremljen na bosanski način.

DOBOJSKA ZNAČENJA

Sjećanja Bate Pavla Stanišića



Traženje novih sadržaja

Isticala se posljednje godine sedme decenije onog vijeka, a mi smo se još bavili kulturom u ovim našim krajevima. Iza nas je već bio *Aprilski kulturni mozaik*, manifestacija oko koje smo okupljali mnoge kreatore i istraživače duha, simfonijske orkestre, horove, slikare i vajarke, glumce, književnike... Bile su to, zaista, svečanosti duha. U "Oslobodenju" je tada V. Čubelić, koji se u Doboju zatekao drugim povodom upravo na dan otvaranja *Mozaike* 1974. godine, pisao:

"Dok muzika plivi poput vremeplova, dok poezija otvara naša srca jedno prema drugom, dok hici kuršuma razlijevaju drevnu patnju na naša platina, mi u Doboju smo jedna zvijezda, jedna generacija, jedno kucanje srca. Jedan veliki nezaboravni doživljaj u prekrasnoj atmosferi dobojskog kulturnog mozaika."

Već smo imali Umjetničku galeriju, izdavačku djelatnost Književnog kluba, koja je imala već izvjesnu reputaciju, uspješno Amatersko pozorište, tribinu "Teatar" Radničkog univerziteta, bogato iskustvo Satirične Scene Radnog Naroda (SSRN) i... Nije nam namjera da nabrajamo sve što je bilo značajno u dobojskoj kulturi. Ali trebalo je osmisliti neke nove sadržaje, koji bi objedinili kulturne napore (posebno u suprotstavljanju šundu, kiču i improvizacijama) i trasirali puteve novih duhovnih kretanja.

Odluka je pala: časopis!

Trebalo je, dakle, otvoriti mogućnosti povezivanja duhovnih vrijednosti ovog i znatno širih prostora i kroz tu komunikaciju stvoriti uslove njihovog realnijeg verifikovanja u vremenu. Izaci duhom iz provincije. Pala mi je na pamet ideja: časopis! Kultura mi je bila u prvom planu, ali radi neophodne podrške i finansiranja društvena pitanja se nisu mogla zaobići. Dakle, časopis za društvena pitanja i kulturu. U Bosni i Hercegovini sa tako formulisanim predmetom izlazio je još samo jedan časopis - mostarski "Most".

Dobojski časopis imao bi širok duhovni prostor, koji se geografski prostirao od Save do Sarajeva, uključujući tuzlansku i okolne regije. Pa, premda duhovne vrijednosti ne poznaju regionalne i slične granice, dobojski časopis imao bi značajne pretpostavke i u tom smislu.

Odluka je pala! Ali samo

u mojoj želji. Znao sam da će put biti mukotran, ali i sve ostalo je išlo tako, ali je išlo. Sjetio sam se i napada na *Aprilski kulturni mozaik*. Jedna primjedba je bila da mi tim nazivom želimo da kažemo da je u našoj sredini samo to kulturno, a sve ostalo što drugi rade - nekulturno. Ipak, nisam očekivao da će i naziv časopisa pobuditi čitavu lavinu napada. A desilo se upravo tako. Mislio sam da bi mu lijepo stajao naziv "Rukopis". Neka u opštim velikim kulturnim tokovima taj časopis bude naš autentični, prepoznatljiv rukopis, naš način, naš stil. Tu mogućnost provjeravao sam i u stvarnosti. Išao sam od kioska do kioska i pitao da li je stigao "Rukopis". "Jeste li dobili posljednji broj časopisa "Rukopis"? Zvučalo je stvarno. A kad sam jednom dobio odgovor: "Nismo još", to još mi je dalo još više nade, bio sam skoro siguran da će ga jednoga dana dobiti.

"Značenja"

Trebalo je napisati prijedlog (bilo je uobičajeno da se kaže "elaborat") o pokretanju časopisa mnogim institucijama i organizacijama, ali, prije svega, trebalo je za to privoljeti Druga iz Republike, kako su neki oslovljavali tu ličnost, čije je mišljenje bilo značajno za sve što se ovdje važno dešavalo. I, kada se on, nakon konsultacija u Republici, živio zainteresovao, krenulo je. Održani su mnogi sastanci, određeni izdavači, Savjet od čak 37 članova. Sjećam se istupa jednog od uvaženih, koji se čudio što će nam sad časopis kad već imamo "Oslobodenje", gdje svak može da objavi ako napiše nešto vrijedno. Znam da sam mu tada javno objašnjavao da časopisom dobijamo najjeftiniji dom kulture i sl. E, a kada je taj uvaženi drug postao uvaženi gospodin, u jednom kriznom vremenu bio je čak urednik tog časopisa. I to njegovo nerazumijevanje se u tom periodu odrazilo i na časopis. Sve je, ipak, nekako išlo, ali naziv časopisa se pojavio kao nepremostiv problem. Digla se opšta hajka. "Rukopis" ne dolazi u obzir. Svi opštinski funkcioneri su bili protiv tog prijedloga. A ja pojmama nisam imao o čemu se zapravo radi. Jednoga dana telefonom me zvao čak izvjesni vrlo ugledni naučnik iz sarajevskog Instituta za jezik i književnost. Rekao mi je da ga je njegov kolega univerzitetski profesor, koji je imao bliske veze sa Dobojem, obavijestio kako ja hoću da časopis za društvena pitanja i kulturu nazovem "Rukopis", što nikako ne odgovara i što može samo biti naziv časopisa za grafologiju. Rekao sam mu da taj naziv treba čitati i shvatiti kao metaforu, jer ni mostarski "Most" nije časopis za mostogradnju, kao što se ni listovi "Telegraf" i "Telegram" ne bave pitanjima PTT saobraćaja. Ništa nije vrijedilo. Bio je kategoričan.


A onda mi je jednoga dana sve postalo mnogo jasnije. Došao je Drug i pokazao mi pismo upućeno njemu od tog, ranije pomenutog profesora, koji je imao bliske veze sa Dobojem, u kojem mu profesor piše da nikako ne dozvoli da P.S. i njegovo društvo daju časopisu naziv "Rukopis", jer je rukopis dobro poznat rod srpske srednjovjekovne književnosti. Dakle, podmeće mi se nacionalizam. I to srednjovjekovni. A, eto, u onim kasnijim turbulentnim vremenima taj profesor je bio srpski profesor srpskog jezika. Ali, tada me baš bio zabrinuo. Danima sam preturao po sjećanju i starim knjigama.

U srpskoj srednjovjekovnoj književnosti našao sam biografije, hagiografije, romane, apokrifne, filozofske, teološke i dogmatske spise, crkvene pjesme i kanone, ljetopise, rodoslove, hronografe... ali rukopisa nije bilo.

Drug mi je dao spisak Savjeta, Redakcije, ime odgovornog urednika... i rekao mi da izmijenim naziv i da mogu pripremiti prvi broj. Objasnio mi je da ću ja sve raditi, ali da to neće biti u časopisu naznačeno iz razloga koji su i meni i njemu bili znani: nisam bio pouzdan. Još ranije sam označen kao "političko podzemlje" u vrijeme onih satirčnih večeri "Bakšiš". Prišao sam sa zadovoljstvom, jer želio sam taj časopis. Jednu od rubrika u kojoj je trebalo da se objavljuju originalni književni tekstovi, a koju sam bio naslovio "Značenja", preimenovala sam u "Rukopisi", a časopis je dobio, ipak, pristojno ime: "Značenja".

Prvi broj


A onda se pojavio i prvi broj. Evo prvog primjerka tog broja, koji je u dobojskom "Grafičaru" završen 14. avgusta 1982. godine. Na poledini prvog primjerka su se potpisali oni koji su se tog trenutka zatekli u štampariji, radeći na njegovom uobličavanju.



U uvodniku smo, pored ostalog, naveli:

"Pokušaj okupljanja riječi, misli i drugih napora u korice ovog časopisa motivisan je potrebom da se otkriju i saopšte makar samo neke oznake našeg vremena na putu stvaralačkog osmišljavanja čovjekove borbe i truda. Tim teškim i lijepestim putem, kakvi su svi putevi ljudski, uvijek se ide naprijed, u nove, neotkrivene prostore smisla.

Mnogostruka su značenja čovjekovog djela i govora, a u




Pavle Bato Stanišić

osnovi najvrednijih je njegovo nastojanje da život učini što bližim svojim najljepšim shvatanjima sreće i slobode. Taj smisao misaone i praktične akcije čini suštinu i ovog pokušaja..."

Nagovještaj dugovječnosti

Časopis je bio jasno izrubriciran. Njegove rubrike *POVODOM, TOKOVI, TEME, RUKOPISI, ZABILJEŠKE* obuhvatale su čitav sadržaj prvog i svih budućih brojeva. Naravno, sadržaj je bio vrlo obojen vladajućom ideologijom i aktuelnom političkom mišlju, ali je zračio i ozbiljnom stručnom i umjetničkom kreativnošću i bilo je vidljivo da mu predstoji dugovječnost. Već prvi broj je pokazao da će sadržaj dobojskih značenja imati univerzalni karakter, ali i snažan i nekriven zavajajni ton. Pored brojnih čestitki i pohvala, bilo je i kritičkih reagovanja na pojavu dobojskih "Značenja", često sasvim neutemeljenih, zasnovanih na našim balkanskim predrasudama o sudbini provincije i njenim mogućnostima, ali mislim da smo ih odmah argumentovano javno osporili, a tome su najviše doprinijeli brojevi našeg časopisa.



Rubrike u kojima su objavljivani originalni književni tekstovi, prevodi i kritički prikazi književnih djela iz broja u broj bile su bogatije i sadržajnije. Bilo je vrlo malo tadašnjih bosanskoherceg-

vačkih književnika koji nisu sačinjavali sa "Značenjima", a rastao je i broj zainteresovanih autora iz drugih područja. Onaj ranije opisani region bio je u cijelosti pokriven. "Značenja" su živjela i potvrđivala se kao nezaobilazna i značajna kulturna činjenica. Vremenom mijenjala su i svoj izgled, čini mi se, u pozitivnom smislu.

Nad ruševinama "Značenja"

Kad su se krajem osamdesetih desile poznate društvene (demokratske) promjene, časopis se oslobodio društvenih tema, postao je časopis za kulturu, a kao izdavač potpisivala se Narodna biblioteka, gdje su i do tada obavljani svi poslovi pripremanja, uređivanja i distribucije časopisa. Ali sljedeće promjene (nacionalističke eufonije i oružani sukobi) porazno su se odrazilile na sve materijalne i duhovne vrijednosti, pa i na "Značenja". Evo kako danas izgledaju.



Vrhunac čeka, politikanat-skog, sa grbom - pocentom žalosnog rješenja i predmetom, koji obuhvata sve oblasti kulture, svih nauka, svih umjetnosti! Izbačena je i svuda korištena i uobičajena formulacija "časopis za..." i uvedena neka nova "časopis iz...". U jednom istom broju može se čitati najstarija i najsavremenija poezija bez ikakve napomene zašto je to tako, tu su naučni radovi o bolestima debelog crijeva... sve o čemu čovjek može da piše. A posebno zanimljiv je redoslijed napisa. Pošto nema nikakvih rubrika, prilozima se objavljuju redom po UDK sistemu za klasifikaciju knjižnog fonda. Tako je u jednom broju prvi prilog prikaz knjige, jer je knjiga iz oblasti koja je po UDK klasifikaciji pod brojem 1. Nevjerojatno! Tako dobijamo univerzalnu svaštaru, jedinstvenu u svijetu.

Svaki broj je štampan na ogromnom (za časopis) broju strana, jer tu novi naučnici objavljuju svoje radove iz svih mogućih oblasti, pošto su im često objavljivi radovi uslov za sticanje izvjesnih zvanja. Ovo je najteža bolest koja je napala "Značenja", ali vjerujemo da će ovaj časopis, pokrenut sa najljepšim namjerama, i nju preboljeti i da će ponovo postati svojevrsni dom kulture ovog kraja, koji je trenutno temeljno poručen.



Dobojlije u dijaspori: Jakov Pranjić (Austrija)

SASVIM LIČNO I OSOBNO

Piše:
Mirko JELEČ

Onog mjeseca i one godine kad je Jakov Pranjić počeo raditi u Sekciji za vuču vozova, moj otac je otišao u penziju. I Jozo je bio željezničar. Kuću na Usori izgradio je kreditima, kasom uzajamne pomoći, "viškovima", teškim noćnim radom i za nas djecu neuhvatljivim "redom vožnje" u kome smo jedino razumijevali da nema galame dok on spava danju za svoju službu noću i da je zvijezdu parnjake u njegovom zadahom vozu za Teslić namijenjen nama. Ispred te kuće, kao već odrasli i odškolovali od željezničarske plate, okupili smo se oko njega, položenog u ljesu, u jednom augustovskom danu 1986. godine. Ojednom preko Bosne, sa dobrih stih kolosijeka, začuo se prodorni pisak lokomotiva. Otac je bolovao dugo i njegov pretrani odlazak bio je neizbježan i naslućivan. Suze su potekle tek na taj reski zvuk, na tu otegnutu minutu tačno u 15 nula nula, na taj posljednji pozdrav njegovih kolega, njegovih lokomotiva i njegovih vozova. Pomislio sam, sretan je onaj koga ispraćaju tako veličanstvenim posljednjim pozdravom. Bio sam ponosan na oca, zahvalan željezničarima.

Odlasci i dolasci, nekad tužni, nekad veseli i radostni, posve su očekivani na peronima sudbine. Jakov Pranjić, moj drug iz ranog djetinjstva, nije očekivao svoj sopsstveni, pogotovo ne takav, odlazak sa doborskog perona. Danas je u Beču, pati iz carske prestonice za željezničarskom prestonicom bivše Jugoslavije, koju su redovi vožnje nazivali Doboj Novi.


Stvarno patim za onim životom. Proveo sam 16 godina na doborskim kolosijecima da bismo danas, supruga Nada, knjigovodnja, ja, željezničar, postali apotekarski radnici zaposleni u apotekarskom akcionarskom društvu "Herba Chemosan" u Beču. U mojim snovima sve je još uvijek isto: vozovi još uvijek voze kroz Doboj Novi!

- Pa nije valjda da bi dao carski Beč za mali grad u Bosni?

- Bez razmišljanja! Ali, za ondanji Doboj! Nekad smo imali prazne džepove a srce puno do vrha. Bili smo zadovoljni što možemo "Tanjugove" vijesti pogledati, u slici i riječi, u onom izlogu-panou ispred kina, kupiti kartu za neki film i da ostanu za špice. Milina božja. Razmišljali smo o životnom standardu na bajnom Zapadu. I, prosto nerjetočno, život te donese u tu ljepotu. Sve je lako, klima u autu, klima u stanu, pun frižider, uživo gledaš Tinu Turner, Annie Lenox... Uvijek neko gostuje u ovom gradu, a opet sve ti je teško na ovom Zapadu. Ništa ne valja, ni doktori, ni školstvo, ni komšije. Eh, te komšije, da li uopšte postoje? Mi smo ljudi koji istovremeno žive dva paralelna života. U prvom imamo osjećaj kao da smo ovdje rođeni i da smo oduvijek živjeli ovdje, a u drugom, kao da nikad nismo nikuda otišli. Doboj vidiš, čuješ i osluškujes. Sva njegova ljeta i zime, proljeća i jeseni, proživis u trenu. Utjeha i sretni trenuci su kad su uz nas djeca, sin Darlo i kćerka Renata i naši unuci Mateo i Antonio. Sve je usmjereno prema njima. Oni kao da nam produžuju život tamo negdje do dalekih godina...

- Do godina tvog sretnog djetinjstva?

- Šta je ljepše od djetinjstva? Igrali smo lopte na "armanu"



Bivši željezničar u Beču: Jakov Pranjić sa suprugom Nadom

tvog djeda Mijata: ti, ja, Josip, Ino i Gašo. Iz tog generacijskog tima na male golove dvojica nisu više među nama, Drago i Josip... Pranjići su se radali kao fudbaleri. Josip je desetak godina bio stub i najbolji igrač "Sloge", a neki iz mlade generacije su stigli i do ondanje Prve jugoslavenske lige... A mi, bosonogi, nakon lopte na ljetnoj vrućini, trkom do Usore. U njoj se kupas, a kad ožedniš, razgrmeš nogama šljunak, napraviš studenac i, čim se voda izbistri, piješ vodu hladnu kao led sa izvora svog djetinjstva.

- Sasvim lično (i osobno): ti si bio sklon "ljepom pisanju", a postao si željezničar?

- Kad je generacija 1970-ite stasala za srednju školu, napustili smo našu osmoletku na Vili i legendarnog uču-direktora Milivoja Kalabu, čovjeka koji je bio zaštitni znak Makljenovca. U nizu mogućih odabira donosim pomalo neočekivanu odluku - školovaću se za elektro-tehničara! U to vrijeme samo je u većim be-ha centrima bilo moguće upisati takvu školu, tako da sam od 1970. do 1974. proveo u Banjaluci, u Elektrotehničkoj školi, energetski smjer, da bi po njenom završetku, na tadašnjem Birou rada u Doboju, bio jedini elektro-tehničar koji traži posao. Zahvaljujući mojoj dragoj željeznici, pronašao sam ga, srećom brzo, u Sekciji za vuču vozova.

- Uporno tvrdiš da je Doboj bio željeznički centar Jugoslavije?

- Jest, bez ikakvog pretjerivanja. U vrijeme manualnog rada na željeznici, tadašnji ŽTP-e Doboj zapošljavao je 5000 radnika. Početkom 60-ih godina prošlog stoljeća dolazi do sveobuhvatne modernizacije i reorganizacije. Izgrađuje se "ranžirna stanica" za automatsko sklapanje teretnih vozova, kapaciteta do 200 vozova u 24 sata, uvodi se centralno postavljanje skretanja, izbacuju se "parnjake" a uvode dizel-lokomotive, koje su željezničari od milja zvali "Kenedijevke", jer je dio prvog kontingenta lokomotiva bio poklon Amerike narodu Jugoslavije. U tom razvojnem zamahu započinje elektrifikacija magistralne pruge Vrpole - Sarajevo - Ploče, kao priprema za skoro uvođenje električnih lokomotiva za vuču vozova. A posebna priča je nešto što smo skraćeno zvali "Telekomanda". Naime, mnoge Dobojlije nisu znale da smo već u 60-tim godinama imali najsavremeniju prugu u Evropi! Uvedeno je telekomandno vođenje saobraćaja na pruzi od Doboj do Zenice. Telekomandni centar je bio u Doboju iz kojeg se nadziralo kretanje vozova vođenih najsavremenijom tehnikom onog vremena, a uloga otparnika vozova je potpuno marginalizovana...

Kada sam ja došao u Sekciju za vuču vozova, juna 1974. već

legrada koja mame na izlazak i provod, najčešće ostajem kod kuće i "čestljam" po You Tube-u pjesme iz tog doba...

- Sjećas li se imena, ili godine čine svoje?

- Sjećam se još onih sa kojima sam radio i koji su me uvodili u posao. To su: Petar Baštinović, Adem Galijašević, Anto Stuhli, Luka Petrović, Novak Nikolić, Safet Silajdžić, Hajrudin Mulabdić, Husejin Hrnjić... Vrijeme i godine ipak čine svoje, vjerovatno sam neke nenamjerno propustio, neka oprostite. Nisu sve mašinovode bile, da kažem, istoga "kvaliteta". Bilo je među njima asova svog poziva, a bilo je i onih koji su stalno "visili" da budu skitnuti na druge poslove, jer su bili nedisciplinirani i postojali su podaci da su redovni posjetitelji krmice "Usora", "Topole", "Spreče", "Tavana" (u Željezničkoj stanici)...



Sa friškim uspomenu na Doboj - Pranjići u Beču 1992. godine

je počela priprema za gradnju kontaktne mreže u depou Doboj i hale za dnevni pregled i opravku elektro lokomotiva. Na svim lokomotivama koje su se skidale sa vozova u Doboj morao se obaviti dnevni pregled, gdje su kontrolirani svi parametri vuče. Kada sam položio ispit preuzeo sam ulogu kontrolora rada servisne brigade, koja je obavljala te dnevne preglede. Nakon obavljenog posla, svojim sam potpisom garantovao da je lokomotiva ispravna i bezbjedna za vožnju sljedećeg voza. Ta pozicija se zvala vanjski nadzornik vuče. Od mjeseca do mjeseca, obavljao sam i posao "unutarnjeg nadzornika". Tu sam morao dočekivati mašinovode koji su se javljali za vožnju određenog voza, kontrolirati tjevnost i spremnost za službu, izdavati lokomotivski list, informirati ih o stanju na pruzi i odrediti lokomotivu koja će voziti voz. I sada se sjećam mnogih likova koji su mi se javljali u službu u izopončnim satima, ili u cik zore. Bio je to težak i zahtjevan, donekle i opasan posao. Nikad ti ljudi nisu bili adekvatno nagrađeni za odgovornost onoga što su radili. Prvi direktor bio mi je Marjan Mandir, čovjek izvanrednih stručnih i organizatorskih sposobnosti. Počeo je od najnižih poslova na željeznici i 80-tih godina stigao do doktora tehničkih nauka. Poslije njega došli su Jasmin Seljubac, Milorad Milčević, Veselin Jakovljević, ali nisu mogli domašiti Mandiru...

- Za voz 740, nadzornik! Tako su ti se javljali mašinovode kada su dolazili u službu.

- O tim divnim ljudima, mašinovodama, o njihovim naravima i karakterima, mukama i teškom radu, put puta sam dolazio na ideju da pišem knjigu, ali ovaj način života ne daje mi vremena. Ti dobroćudni i nadasve mudri ljudi, veliki su izazov da budu "tema". Ako bude volje i snage, u penzionerskim danima, možda... Tako mi fali ta moja raja, postali su dio mene. I sad kad pogledam kroz prozor u svjetla ve-

niče, ova lokomotiva mora na tokarenje bandaža, vijenci su preostri! odgovarao sam mu da moramo, ipak, oficijelno sa instrumentom izvršiti mjerenje, pa ako je za slanje na strug - poslaćemo. "Mjeri ti šta ho'š, ja sam tebi rek'o!" - skratio bi priču Osman. I stvarno, nakon izvršenih mjerenja lokomotiva je izbacivana iz saobraćaja i morala bi na obradu bandaža. Bio je takvog sluha za svoj posao da je dodiom, pristima, mogao osjetiti kakvi su vijenci. Bio je i najbolji šahista u Ložionici...

- Jakove, ljeto se vraćam sa Goranskog jezera i gledam pustu Ložionicu, korov po tračnicama, napuštene lokomotive i vagoni. Tuga u meni reče da neće više ići na tu stranu. Doboj Novi je prošlost!

- Mislim da su stratezi posljednjeg ratovanja najviše uništili željeznicu. Moje dugogodišnje iskustvo u radu u jednoj od ključnih Sekcija i neka moja ovlaštena procjena kazuje da je možda 70 posto željezničkog potencijala degradirano, onespobijeno, uništeno, pokradeno, rasprodato. Vidio sam prije neku godinu kako na dijelu željezničkog čvora, koji se zvao "Stanica Doboj - teretna", po kolosijecima rastu nisko žbunje i grabići. To je onaj sjevoroistočni dio čvora odakle su otpremali dionički teretni, kao i sabirno-manipulativni vozovi za Vrpole, Banjaluku i Tuzlu.

Mislim da bi jednu stvarnu procentualnu brojku degradacije mogla dati ekspertna grupa sastavljena od onih koji su bili na najvišim pozicijama kada je željeznica bila na vrhuncu svog razvoja, a to su: dr. Simo Mihilić, dr. Marjan Mandir, ing. Mesud Mehmedagić, ing. Borislav Đuričić, ing. Miodrag Rada, ing. Ilija Ključević, dr. Ilija Tipura. Koliko mi je poznato, od svih navedenih živ je samo Mandir! Znači, nikada! Željeznicu nema ko da dignu iz ove tuge i pustoši. Evo, trebalo je proteći 19 godina da ponovo krene voz Beograd - Sarajevo, a i taj "brzi" zbog kvaliteta i voza i pruge sad putuje tri sata duže nego onaj naš udobni, fantastični "Olimpik". To je naš progres - dvije decenije unazad! Bojim se da nećemo dočekati da vidimo naš doborski željeznički čvor na onom stupnju razvoja kakvog smo ostavili onda kad smo protjerani.

"Kada sam se vratio u domovinu, shvatio sam da je nostalgija bolje rešenje." Zna Goran Rubil svojim doborskim porukama da bocne i želješom istinom. I ovo je dovoljno da urazumi, ali srce ne sluša! Nastavlja u daljini osluškivati zvukove sa pruge, zvukove kojih nema.

Moj Jakove, naši vozovi povratka kasne sedamnaest i po godina!



Doborski kolosijeci (foto: Maja Stanišić-Penava)

Poslije zastoja - ponovo Susreti

PRAZNINA KAO INSPIRACIJA

Kada sam krajem prošle godine jednoj našoj sugradanki koja živi u Švedskoj odgovorio da joj ni na koji način ne mogu pomoći u rješavanju "njenoj problema", ona je razočarana duboko otpuhнула i u telefonsku slušalicu rezignirano prosula:

"Znala sam!"

"A šta to, gospodo?", upitao sam ne, baš, mnogo iznenađen.

"Znala sam da će nam faliti!"

Nisam je pitao zbog čega je bila tako zagonetna, niti na šta i na koga misli, jer sam znao odgovor. I ona i ja mislili smo na isto.

Mislili smo na Mensura Zahirovića - SADLIJA!

Kad je ovaj neobični, da kažem - tugaljivi, razgovor prekinut, a ja u svom uhu registrovao još jedno "jah", i sâm sam, silinom unutarnjeg nagona, izustio:

"Zaista nam fali."

Malo potom počeo sam da se pitam: "Zar, zbilja, neke ljude, tek kad preminu, počnemo da otkrivamo, upoznajemo i shvaćamo šta su nam, faktički, značili u životu. Nije li i to jedna od životnih nepravdi?", pitao sam se.

Bila je to, u stvari, samo jedna u nizu mnogih drugih telefonskih i inih žali za čovjekom koji nas je, prije nešto više od godinu dana, u naponu lične snage i radnog aktiviteta, napustio i ostavio pomalo zabezbricno nad sudbinom što, kao grom iz vedra, ne nadano pristiže.

Sadli nas jest napustio voljom neumitnog usuda, ali nije i otišao. Ostao je da živi u našim sjećanjima. Ostavio je trag koji ni godinu kasnije, a vjerujem ni ubuduće, nije i neće biti ničim potrt, jer je Sadli, od prvog dana u tuđinstvu, živio s nama da bi Bosne bilo, da bi se kroz Udruženje "Gradina" i Susrete nas Dobojlja borio da budemo i ostanemo zajedno, da se družimo i šaljemo, da opraštamo i volimo. Tu njegovu ljudsku nit prepoznali su, ne samo njegovi Dobojlje svih nacija i vjere, uzrasta i obrazovanja, nego i Švedani otkrivajući u Sadliju istinskog čovjeka Bosne, prijatelja Švedske i ljudinu Doboja bez kojeg ni u snu nije mogao.

I snovima njegovim tekle su Bosna, Usora i Spreča, ali i žive rijeke ljudi koje je, često, i više od mogućeg, snagom volje i neizmjerljivog htijenja, s radošću usmjeravao.

A, onda, ti nezaboravni Susreti!

Uvjerem sam da neću pogriješiti ako kažem da su bili i ostali njegova velika zadužbina. Kada je u Sarajevu iznenada preminuo, u momentu kad je, po ko zna koji put, uvezivao švedsko-bosanskohercegovačko, a dodajmo i dobojsko, prijateljstvo, čvrste niti zblizavanja i povezivanja, svi smo mislili - gotovo je. Susreti će propasti. Istina, nastupio je izvjestan zastoj, pa i dezorijentacija u radu Udruženja "Gradina", pogotovo u redovima ljudi koji su,



Piše:
Ferid ČEHIĆ

uz Zahirovića, ovu primjernu družinu u tuđini godinama uspješno vodili.

No, dogodi se "novi grom". Ne onaj koji uništava, koji priči zemlju, nego grom razbudenja koji donosi novu nadu i osvježenje. Dakle, kad se mislilo da će Susreti totalno odumrijeti, da su od njih svi digli ruke, našla se grupa "novih-starih" entuzijasta čiji je osnovni cilj bio "da tradiciju susretanja ožive, da Susrete Dobojlja u Skandinaviji vrate na stare staze, da im ubrizgaju nove injekcije okrepjenja i uokvire u neke nove životne ramove."

Pomalo sam i sâm bio iznenađen kada mi je, prije nekoliko mjeseci, jedan od inicijatora oživljavanja Susreta - Ibrahim Baja Džafić, iz norveškog grada Ski, nadomak Osla, telefonski priopćio "da žele Susrete oživjeti, jer bi njihovo umiranje bio veliki grijeh, ne samo prema Sadliju, nego i svima nama koji smo na njih s radošću dolazili".

Od te prve ideje ubrzo se otišlo i mnogo dalje, pa je održan i prvi sastanak u Geteborgu na kome su se našli inicijatori - predstavnici Dobojlja u Skandinaviji. I ne samo našli, nego mnogo toga i konkretno dogovorili, a između ostalog - da se budući Susreti održavaju u drugoj polovini maja, da njima uvijek prisustvuje i delegacija iz dobojskog kraja, da se mnogim dobojskim kulturim i umjetničkim stvaraocima na susretima omogućuje prezentacija vlastitih ostvarenja, da se obnovi započeta saradnja između Doboja i Kumle, da se pojačaju aktivnosti u okviru započetih privredno-poslovnih kontakata naših i skandinavskih firmi...

Nije na odmet istaći da će u sve buduće aktivnosti biti uključena tri Doboja (Doboj, Doboj Jug, Doboj Istok), te po prvi put i općina Usora.

Biće uvedena i jedna novina, najvjerovatnije od ovog ljeta. Dogovoreni su, naime, sedmodnevni susreti u Doboju pod nazivom "Dobojsko ljeto". Nosi-lac tih aktivnosti biće novoformirano Udruženje građana u Doboju.

I za kraj ono glavno: obnovljeni Susreti Dobojlja u Skandinaviji biće ove godine održani od 14. do 16. maja u "Prängens campingu" Urlichamn kraj Jonköpinga na jezeru Vättern.

Amir Brka, novi predsjednik Društva pisaca BiH

Bh. pisci zaslužuju bolji status

Amir Brka dobio je puno povjerenje svojih kolega i novi je predsjednik Društva pisaca BiH

Potreban menadžer

- Neophodna je reorganizacija Društva pisaca, što je bila inicijativa i prethodnog saziva Upravnog odbora, a na Skupštini je prihvaćena. Pokazalo se u svakom smislu nepotrebnim da Društvo ima generalnog i tehničkog sekretara, te je ove dvije funkcije neophodno spojiti u jednu i zaposliti osobu koja će uspješno raditi sve operative poslove. Društvu pisaca je potreban dobar menadžer, važno je znati dobro pripremiti sve neophodne dokumente i projekte koje bi potom organ Društva usvojili i realizirali. Naravno, ta osoba ne mora nužno biti pisac - kazao je Amir Brka.

Brka je rođen prije 47 godina u Tešnju, direktor je Centra za kulturu u tom gradu, književnošću



Amir Brka

se dugo bavi i dobitnik je brojnih nagrada za svoj rad. Književni kritičari svrstavaju ga u najznačajnije bh. pisce, a njegova djela prevedena

su na njemački, slovenački, rumunski, engleski, poljski...

Mladi pisci

Kako nam je rekao, neophodne su i određene izmjene Statuta kako bi se omogućilo produktivnije funkcionisanje Društva iznutra.

- Time bi Društvo, dakle, njegovi članovi bili spremniji nositi se sa brojnim današnjim nedaćama. Nastojat ćemo i dalje aktivno raditi na afirmaciji književnog stvaralaštva, ali ćemo se boriti i za bolji status bh. književnika i za bolji status Društva pisaca BiH - kaže Brka i naglašava da će ponovno pokrenuti pitanje statusa zgrade Doma pisaca BiH u Sarajevu koja mora biti na raspolaganju Društvu, a reaktivirati će i proceduru za obezbjeđivanje državnih naknada istaknutim bh. književnicima.

- Važno je definisati i to na koji način ćemo mlade književnike, one koji su objavili prvu knjigu, uvesti u Društvo, te šta ćemo im omogućiti u smislu njihovog daljeg stvaralaštva, poput mogućeg objavljivanja novih knjiga - kaže Brka.

N.B.

Ko su članovi Upravnog odbora

Skupština Društva pisaca BiH je za članove novog Upravnog odbora izabrala Kristinu Mrđu, Marinu Trumić, Fadilu Nuru Haver, Ibrahimu Kajana, Miru Petrovića, Josipa Muselmovića, Mileta Stojića i Dragana Janjića.

IZLOG NOVIH KNJIGA

NA TRACI VREMENA MIRUDINA ALDOBAŠIĆA

U izdanju nezavisnih Naših novina nakon izlaska monografije *Doboj u dvadesetom stoljeću* i romana *Ferida Čehića Nema više*, *Jajront* ovih dana izšla je i knjiga *Na traci vremena* poznatog dobojskog novinara Mirudina Aldobašića koji je čitav radni vijek završio za pisarskim strojem.

Novinar Aldobašić prisutan je u bh. novinarstvu od 1968. godine. Bio je dugogodišnji dopisnik izdanja *Oslobodjenja* za područje dobojskog regiona, potom Radio Sarajeva, a tokom posljednjih ratnih zbivanja djelovao je kao ratni izvištač s područja Tešnja, Maglaja, Teslića i Doboja.


U njegovoj bogatoj novinarskoj biografiji važno je spomenuti da je Aldobašić pokrenuo i prvi privatni list *Slobodni reporter*.

Zavidan tiraž ovog lista prekinut je zbog ratnih zbivanja.

Iako je stigao u zasluženu mirovinu, Aldobašić nastavlja svoj plodonosan novinarski rad s područja Tešnja, Jelaha, Doboja Juga, Doboja Istoka i Doboja.

Knjiga *Na traci vremena* ugledala je svjetlo ovih dana. Svečana promocija obavljena je u Jelahu u organizaciji Mjesne zajednice i uz finansijsku potporu brojnih donatora - njegovih prijatelja.

U prisustvu brojnih poštovaalaca pisane riječi novinara i brojnih Aldobašićevih prijatelja izdavanje je održano u Vatrosgasnom domu u Jelahu. Uz prijateljsku besjedu, ali i uz zvuke *Jelaških tamburaša*, o knjizi su govorili recenzenti



Promotori i recenzenti knjige Miralem Begić i Sakib Kurtić sa autorom Mirudinom Aldobašićem (u sredini)

knjige - Miralem Begić, uvaženi novinar sa ovih naših prostora i Mr. sc. Sakib Kurtić koji je naglasio kako je iz rukopisa vidljivo da autor dobro poznaje fizionomiju trenutne bosanske zbilje. Zato, u tom pogledu on pokazuje smjelost u pristupu i vema odvažno i komotno piše o tome.

O knjizi *Na traci vremena*, koja predstavlja zbornik esaja o ljudima iz svakodnevice, govorio je i poznati novinar Miralem Begić.

- Dokučivši rukopise zanimljivog štiva kolege novinara Mirudina Aldobašića, štiva koje u četrdeset sedam iznimno vrijednih zabilježki sačinjenih u periodu 2003.-2009. godina, bolje rečeno repor-

terskih kazivanja o ljudima i događajima iz tog vakt, svaki čitalac, pa i ja sam, zaključio bi da je Aldobašić otrgnuo iz zaborava mnoge ljudske priče i sudbine. On je sa zaboravne trake vremena otrgnuo mnoge likove, poneke anonimne, ali izuzetno marljive i vrijedne humaniste, dobrovoljce, darovaoce krvi, ekološke, čuvarne prirode i nacionalne baštine, vatrogasce, znane i neznane umjetnike i ljekare...

Knjigu toplo preporučujemo za čitanje. Mladim narastajima knjiga može biti nauk da su ljudi, kako bi to autor istakao, najvrednije blago.

F.K.

Piše: Branko JOVANOVIĆ

DOBOJ U SRCU I DUŠI

Saga o Doboju

"Pod tvrdom starom, s patinom davnina,
gdje je nekad Mujo svoga konja obo,
a večeri tekle s mirisom jasmína,
grad je drevni - Doboju."

Na tromedi Spreče, Ustore i Bosne,
k'o orao suri u visini modroj,
nad poljane plodne, rascvjetale, rosne
nadvio se Doboju.

Jezdile su vojske rimske, turske, švapske,
zapamćene ne po uspomeni dobroj,
nasrtale često na kapije gradske -
nadživili ih Doboju."

Saga o Doboju

Nekadašnji glavni i odgovorni urednik "Glasa komunā" u Doboju Rajko Skvarica, koji je ostavio trajni spomen svoga bivstvovanja u ovom "gradu na tri rijeke", za koji je on u svojoj knjizi "Na traci vremena" - "(Meditacije hroničara)", između ostalog, napisao: "Ovaj grad na tri rijeke. Slikovitija oznaka za Doboju u novinskim napisima. Ili: grad željezničara. Ali, to su samo neka od njegovih znamenja. Repertoar mogućih epiteta je mnogo širi. Treba samo gledati i zapaziti. Tu je uzbuđujuća pozornica mijena, otvorena scena vjekovima, milenija. Akteri su bili Rimljani, Sloveni, Turci, Germani i drugi. Svjedoci toga su antički kastrum, srednjovjekovna tvrđava."

U svojoj pjesmi "Saga o Doboju", objavljenoj u njegovoj zbirci pjesama "Između jave i sna" - 1987. godine, pisanom, koliko u modernom stilu pjesnika-slikara, toliko i u prostom, jednostavnom i razgovijetnom stilu i duhu narodnog pjesnika, govori o ljepoti ovog grada "na tromedi Spreče, Ustore i Bosne" i njegovoj istorijsko-vjekovnoj viteškoj i stoičkoj postojanosti.



Doboju

Primjer čojstva i poštenja

"Da nije bilo Huse Avdića, nikada kuću ne bih sagradio."
B. SEKSAN

U svom spomen-tekstu pod naslovom: "Ljudi svoga vremena - Slovo o Husi", objavljenom na 763/764-oj strani knjige "Doboju u dvadesetom stoljeću", novinar i publicista Dušan Paravac je, između ostalog, napisao:

"Nezahvalno je pisati o ljudima koji imaju bogatu biografiju, pogotovo na ograničenom prostoru."

Pišeh, pišeh, a kada pogledaš u notes, ostade sve, reklo bi se ono najvažnije. S takvim osjećajem i "kompleksom" započijem, evo, podsjećanje na Husu Avdića, nesumnjivo jednog od onih Dobojuja koji su po čojstvu i poštenju, po dobroćinilstvu, po ljepoti i čistoti duše (koja blista iz lika na fotografiji Huse Avdića u Paravacovom tekstu, primjedba: B.J.), trajan pojam, na što bi, pogotovo u sadašnjoj stvarnosti, trebalo stalno upozoravati.

Tako, eto, otpočeh o Husi Avdiću. "Krećem" od dvade-

setih godina kada je nakon smrti polubrata Mustafe naslijedio mali dućan u kome je asortiman robe bio toliko da je sve moglo stati u torbu koju su na trbuhu nosile predratne "Mate".

Ali, godina po godina, spremni trgovac Huso posta - "Grosista Avdić". Ne samo da je u dućanu imao pune rafle svakojake robe, već je postao snabdjevač pretežno sitnih trgovaca, uglavnom onih u selima. Kada se tako solidno "potkožio", umjesto da gradi za sebe i porodicu ljetnikovac i da trezore u bankama puni zlatom, Huso se opredijelio za dobroćinstva. Davao je robu na veresiju ("plati kad možeš i ako možeš"), posuđivao gotov novac Dobojujama za gradnju kuća ("Da nije bilo Huse Avdića, nikada kuću ne bih sagradio" - često je govorio pokojni Branko Seksan), izdašno pomagao siromašne, a u dane Bajrama kolima bi se odvozili Husini darovi (zekati) u gradu i u selima, ne samo muslimanskim, već i hrišćanskim i drugim porodicama.

Evo jedne priče koja liči na anegdodu: prije rata dao Huso na veresiju robu jednom mušteriji iz Blatinice, iznad Teslića. Kada je rok za isplatu duga prošao, a kako je bio siromašan, dužnik odvoji najboljeg ovna i uz pomoć supruge dovede ga pješčice pred Avdićev dućan.

"Evo ovan, para nemam, oprosti mi, Huso!" Humani trgovac, međutim, otvori kesu, dobro plati ovna, a dug mu otpiše.

Ovaj primjer čojstva i poštenja nekadašnjeg dobroćinilca, Dobojuje Huse Avdića inspiriše i podstiče na plemenita, dobroćiniltska i humana djela, "pogotovo", kako to piše Paravac, "u sadašnjoj stvarnosti" obezliđenosti, beščića i bezdušja u međuljudskim upštje, a naročito u međunarodnim odnosima.

Branko JOVANOVIĆ

Poučna priča iz narodnog života

Naša djela idu za nama
ili: "Što pozajmimo - to nam se i vraća"
- Vječna mudrost narodnih poslovice

Ovo je zgoda iz velike nezgode proganjanih dobojskih Jevreja u Drugom svjetskom ratu i njihovom spasiocu Mustafi Trbakoviću iz Doboja, na koju sam naišao u knjizi "Doboju u dvadesetom stoljeću", odakle vam je u cijelosti prenosim:

"Josip Elazar Joža sa sestrom Idom je krenuo da se dokopa Splita, takođe u italijanskoj okupacionoj zoni... Čiro gamiže, a u svakoj stanici ulaze ophodnje i patrole. Traže propusnice, legitimacije i "ausvase". Sa njima je u kupcu i neki domobranski oficir koji otvara koferče i nudi ih pilećim batcima i gurabijama. Ne smiju odbiti i jedu, ali im se suše grla. Kada su na kraju ostali sami, domobran kaže: "Ne bojte se. Znam vas, vi ste Elazari. Ja sam Mustafa Trbaković. Kada sam se ja gušio u Bosni, ti si

me spasio. Pa red je da ti sada vratim." I proveo je Elazare kroz sve straže tako da su stigli do Splita."

Kao što vidite iz ove kratke, ali vrlo napete, uzbuđujuće i poučne priče iz narodnog života - naša djela idu za nama i od njih ne možemo nigdje pobjeći. "Što pozajmimo - to nam se i vraća", a naročito "Dobro radi - dobru se nadaj", jer je "zloradaenje - gotovo suđenje".

Prema vječnoj mudrosti ovih narodnih poslovice, priča o doživljaju dobojskog Jevreja i Mustafe Trbakovića je zaista poučna i dušekorisna, jer inspiriše i podstiče na dobra djela.

(Iz knjige "Doboju u dvadesetom stoljeću", str. 723, prenos i komentariše: B.J.)



Adio - Ustora

Ne gazite zelenilo

Kada je Slobodan Milošević držao govor na Mitingu istorije, mitingu Bratstva i jedinstva na ulicu Save u Dunav u Beogradu - novembar 1988. godine, onda je narod nosio razne transparente i parole.

U toj gužvi i šumi transparentata, po pričanju Fahrudina Kapetanovića, koji je u to vrijeme radio kao novinar u Radio Doboju, a koji je to čuo po narodu i pričao nekolicini svojih kolega novinara u Radio Doboju, gdje sam se i ja zadesio, išla je grupa studenata koja je na običnom kartonu nosila natpis: "Ne gazite zelenilo!"

Iz ove narodne mudre dosjetke (ne gazite prirodu i zelenilo, u

prenosnom značenju - ne gazite Šiptare, jer su Šiptari Muslimani, a njihova je zastava zelene boje) odiše ogromna mudrost i hrabrost, jednaka onoj grčkog Diogena, kad je rekao Aleksandru Velikom: "Skloni mi se sa sunca!"

Jer je mnogo starije i važnije Sunce i Zelenilo prirode, nego bilo koji zemaljski vladar, ma koliko bio silan i moćan. U tome se ogleda velika narodna mudrost.

U decembru
2009. godine

Prisjetio se i zapisao:
Branko JOVANOVIĆ



glumčević
alu - pvc sistemi

74000 Doboj
Ulica Raška 1/a

◇ PROIZVODNJA ALUMINIJSKIH I
PLASTIČNIH PROZORA I VRATA

◇ PROIZVODNJA TERMO STAKLA

◇ PROIZVODNJA METALNE
GALANTERIJE

◇ GRADEVINSKE LIMARIJE I

◇ VRŠENJE USLUGA

Email: doo.glumcevic@gmail.com
Telefon: + 387 053 221 700
Fax: +387 053 205 480
Mobitel: + 387 063 996 531
Mobitel: + 387 063 996 529

STOMATOLOŠKA AMBULANTA SA ZUBOTEHNIČKOM LABORATORIJOM

VI. Trbaković Mensur
ZUBNI TEHNIČAR

Adresa: Vila (Doboj)

Mobitel: 061 147 658

Radimo sve stomatološke usluge kao i
izradu protetike:

- obične proteze
- metalne proteze
- proteze bez kukica
- sve vrste keramičkih radova



Radno vrijeme:
08-12 sati

RTV KOMPJUTER SERVIS

Matuzići - Doboj Jug

preko puta Ganjgo Petrola

Popravka i prodaja televizora,
radio-aparata, kompjutera, monitora, dekodiranje...

Tel: 032-692-101

061-885-853

e-mail: memo-ch@hotmail.com

memo_ch_servis@yahoo.com

PoPeYe

Tel: 032 666 711

doo Jelah

Zastupnik Lutrije BiH

(BINGO, LOTO, SREĆKE...)
TELEFONSKE KARTICE
(ultra, mobis, hei)

*Domaća i inostrana štampa,
knjige, časopisi, pribor,
ribomaterijal, programi za
računare, igračke,
kozmetika, satovi ...*

OBJEKTI:

KIOSK br. 1
Gazi-Ferhadbegova
Jelah (032/666-711)

KIOSK br. 2
Titova
Jelah (032/663-180)

Prodavnica br. 3
Mrkotić 53/a

VIŠEDECENIJSKA TRADICIJA I KVALITET

PEKARA

"Glumčević"



Ul. Raška 1a
74 000 DOBOJ

Kontakt telefoni:


053 221-700

063 996-529

063 996-532

*Prirodno, bez umjetnih
boja, dodataka i aroma.
Prirodno i na drvo.*

NOVO KOD NAS!



MOTEL AMER PIER

DOBOJ Tunel Mrčevac Stanic Rijeka Klokočnica Gračanica TUZLA

MOTEL AMER PIER

Rijeka Spreča

MOTEL AMER PIER

Stanic Rijeka - Mrčevac Tunel,
Doboj, BiH

* APARTMANI

* SOBE

Tel: 062-209-291

061-716-993

NON-STOP!

Posjetite nas - bićete zadovoljni!

KOD TUNELA, NA MAGISTRALNOM
PUTU DOBOJ - TUZLA, NA NAJLJEPŠEM
DIJELU OBALE RIJEKE SPREČE

- ▼ **SPECIJALISTA ZA PLUĆNE BOLESTI**
Prof. Dr. ZEHRA DIZDAREVIĆ
NEDJELJOM od 11 SATI
- ▼ **SPECIJALISTA GASTROENTEROLOG**
Prof. Dr. MUHAREM ZILDŽIĆ
SRIJEDOM od 14 SATI
- ▼ **SPECIJALISTA ZA DJEČJE BOLESTI**
Prim. Dr. FIKRET HUSKIĆ
UTORKOM I ČETVRTKOM od 14 SATI
- ▼ **SPECIJALISTA ZA KOŽNE BOLESTI**
Prim. Dr. AZRA HADŽIKADUNIĆ
NEDJELJOM od 11 SATI,
PONEDJELJKOM od 8 SATI
- ▼ **SPECIJALISTA ZA ŽENSKÉ BOLESTI**
Prim. Dr. AMIRA SMILBEGOVIĆ
PONEDJELJKOM od 12 SATI
- ▼ **SPECIJALISTA ZA ŽENSKÉ BOLESTI**
Prim. Dr. NEDIM DUŠIĆ MIMO
PETKOM od 12 SATI
- ▼ **SPECIJALISTA HIRURG**
Prim. Dr. HASAN ŠKILJO
SRIJEDOM od 13 SATI
- ▼ **SPECIJALISTA ZA OČNE BOLESTI**
Prim. Dr. EMIR ČABRIĆ
SVAKIM DANOM od 8 do 12 SATI

VODIČ KROZ OPĆINE

RASPORED RADA SPECIJALISTIČKIH SLUŽBI JAVNE ZDRAVSTVENE USTANOVE POLIKLINIKE "DOBOJ JUG"



www.poliklinika.dobojjug.ba

e-mail: poliklinika@dobojjug.ba

- ▼ **EEG KABINET**
SVAKOGA DANA
- ▼ **ULTRAZVUK SRCA**
SUBOTOM od 10 SATI
- ▼ **ULTRAZVUK OKA**
RADNIM DANOM od 8 do 12 SATI

- ▼ **EMG KABINET**
(ELEKTROMIOGRAFIJA)
SVAKI DRUGI ČETVRTAK od 15 SATI
- ▼ **DOPLER KRVNIH ŽILA**
PETKOM od 13 SATI
- ▼ **SPECIJALISTA ZA UHO, GRLO, NOS**
Prim. Dr. MUHEDIN POJSKIĆ
UTORKOM I ČETVRTKOM od 13 SATI
- ▼ **KLINIČKI PSIHOLOG**
Mr. sci. DŽEMAL ŠESTAN
SUBOTOM od 13 SATI
- ▼ **INTERNISTA**
Dr. IZETA KURBAŠIĆ
SUBOTOM od 11 SATI
- ▼ **SPECIJALISTA NEUROPSIHIJATAR**
Dr. DAMIR DŽEVDETBEGOVIĆ
SVAKI DAN
- ▼ **SPECIJALISTA NUKLEARNE
MEDICINE (za štitnu žlijezdu)**
Prim. Dr. MIRSAD MALOHODŽIĆ
SVAKI DRUGI ČETVRTAK od 14 SATI

▼ SLUŽBA HITNE MEDICINSKE POMOĆI NON-STOP

SVE INFORMACIJE I REZERVACIJE TERMINA NA TELEFON/FAX:
032 691-624

Bosnaturist

RED VOŽNJE NA RELACIJI KOTORSKO-DOBOJ-TEŠANJ

	u vrijeme				
KOTORSKO-DOBOJ-TEŠANJ	05,50	08,30	11,25	14,05	16,30
CIVČIJE-DOBOJ-TEŠANJ	05,58	08,38	11,33	14,13	16,38
TEŠANJ-CIVČIJE-KOTORSKO	07,30	10,30	13,10	15,10	19,10
DOBOJ-CIVČIJE-KOTORSKO	08,02	11,02	13,42	15,42	19,42
DOBOJ - TEŠANJ	06,15	08,55	11,50	14,30	16,50
DOBOJ-KOTORSKO	18,50	19,30			

Linije saobraćaju svaki dan osim nedjelje. Sve linije iz Tešnja i Doboja polaze sa glavne autobuske stanice.

Sretnu i udobnu vožnju želi vam *Bosnaturist* Maglaj i *Bosnaturist bus* Doboj. Sve informacije na telefone:
032-603-549 i 053-225-365



d.o.o. DOBOJ JUG

Telefon-fax:
032 699-390
Direktor:
032 699-391
E-mail:
jkpvis@hotmail.com

PREDUZEĆE ZA TRANSPORT, TRGOVINU I USLUGE



Džanić-komerc

KLOKOTNICA - DOBOJ ISTOK,
BOSNA I HERCEGOVINA

Obavljamo
transport robe u
inozemstvu
i u Bosni i
Hercegovini.
Uvozimo
poljoprivredne
mašine: traktore,
freze, skupljače
sijena i ostalo za
čim imate potrebu.

Cijena
po dogovoru

Telefoni: 00387 61 142 224;
0041 79 722 42 46;
0041 79 463 00 68;
0041 22 733 99 25



restoran POISON

Matuzići/DOBOJ JUG, Krešimir Orlić
RADNO VRIJEME od 7 do 22 sata

Oaza odmora i
razonode. U svako
doba gotova jela i jela
po narudžbi. Bosanski
specijaliteti i roštilji.
Bogat izbor alkoholnih
i bezalkoholnih pića.
Usluga brza i
kvalitetna.
Dobro došli!

Zastupnik Lutrije BiH
(BINGO,
LOTO,
SREĆKE)

domaća
i strana
štampa,
časopisi...



LUTRIJA
BOSNE I HERCEGOVINE

Kod Kreše u Matuzićima

VAŽNIJI TELEFONI

DOBOJ JUG

032/

JZU POLIKLINIKA	691-624
HITNA POMOĆ	124
POLICIJSKA UPRAVA	691-064
ELEKTRODISTRIBUCIJA	699-210
VATROGASNA SLUŽBA	691-423
OPĆINA DOBOJ JUG	691-335
KOMUNALNO "VIS"	699-390
POREZNA ISPOSTAVA	692-220
APOTEKA "MEDIFARM"	691-672

OVLAŠĆENI SUDSKI TUMAČ ZA ENGLJSKI JEZIK

Smail Avdić
profesor engleskog jezika

74203 MATUZIĆI
DOBOJ JUG

Tel: 033 643-510
Mob: 061 781-562

Prevod svih vrsta tekstova
sa i na engleski jezik

OBAVJEŠTENJA

Brigu o vašim rashladnim uređajima prepustite majstoru
Mevludinu Skuli, Matuzići - Doboj Jug
Mobitel: 061 152-708

VRLO POVOLJNO! pogodno za dvije porodice

Kuća u Tešnju - savremena gradnja, oko 450 m²
(dva 3-sobna i jedan 2-soban stan - odvojene
cjeline sa zajedničkim ulazom, poslovni prostor,
garaža, tri terase), centralno grijanje, termoizolirana,
gradski vodovod, telefon, uređeno dvorište
s voćnjakom, sa 700 m² okućnice, asfalt, blizina
škole... Tel: 061 160 736





Dana 1. maja 2010. navršit će se tri tužna mjeseca od iznenadne smrti naše drage

**MIRSADA
MULAOMEROVIĆ**
rođ. SAKIĆ
iz Doboja
(1950.-2010.)

Iznenađeno preselila na Ahiret u 60. godini života u Kanadi. Dženaza je obavljena u Quebecu na groblju Saint-Charles.

Tvoj vedri lik vječno će ostati u našim srcima.

Ožalošćeni: Suprug Enis, sin Eldar, kćerka Albina, zet Renaud Hébert, unuk Thomas - Mirsad, tetke Razija, Nasiha i Hajrija sa porodicama, dajdža Rizah sa porodicom, te porodice Mulaomerović, Hébert, Kapetanović, Biser, Istimani, Džananović, Mulalić, Šuvalija, Žepčan, te ostala brojna rodbina i prijatelji.

SJEĆANJE NA NAŠE NAJMILIJE



ALIJA MEHINOVIĆ
(rođ. SALIHOVIĆ)
(1999.-2010.)



SELIM MEHINOVIĆ
(2001.-2010.)

Vrijeme prolazi, ali ljubav, dobrota i njihova plemenitost ostaju za trajno sjećanje i spominjanje.

S ljubavlju i poštovanjem, njihovi najmiliji: sinovi Mehmed, Jasmin i Samir, kćeri Zahida, Mevlida, Safida, Hava i Vahida, unučad i prauučad, snahe, zetovi i ostala mnogobrojna rodbina.

SJEĆANJE NA NAŠE NAJMILIJE



**ANDELIJA
FATIMA
zv. ZUHRA**
iz Doboja
(2006.-2010.)



**ANDELIJA
BAJRO**
iz Doboja
(2007.-2010.)

Uspomene i sjećanja
žive dok postoje oni
koji vas vole.

S ljubavlju i poštovanjem:
kćerka Fatima, zet Sejfo, unučad
Adnan, Minela i Aida,
praukuke Daris, Sara, Eldan i
familija Glavić.

SJEĆANJE NA NAŠE NAJMILIJE



**OSMAN (SMAJE)
SPAHIĆ**
iz Doboja
(1991.-2010.)



DŽIHA SPAHIĆ
(rođ. LOŠIĆ)
(2003.-2010.)

Niste u zaboravu.

Vječno smo
zahvalni na vašoj
dobroti i
plemenitosti.

S ljubavlju i poštovanjem, vaši najmiliji:
Halera i Slavica, unuci Lara i Denis i praukun Adrian.

SJEĆANJE NA DRAGE RODITELJE



IDRIZ KALABIĆ
iz Doboja
(1987.-2010.)



RAZIJA KALABIĆ
(r. BEŠLAGIĆ)
(2008.-2010.)

S ljubavlju i poštovanjem,
sin Enis - Šeki sa porodicom

Navršilo se šest tužnih mjeseci
otkako je preselio na Ahiret naš
dragi

EMIN (IBRE) MUJKIĆ
Iz Klokotnice
(2009.-2010.)

Neka je rahmet njegovoj plemenitoj duši.

Ožalošćeni: supruga Meva, sin Ibro,
kćerke Dina i Mihana, brat Hasib, sestre Mina,
Hanifa, Havaša i Muma, zetovi, unučad, te ostala
mnogobrojna rodbina, prijatelji i komšije.

TUŽNO, ALI LIJEPO, SJEĆANJE NA NAŠE DRAGE RODITELJE



**HASNIJA
HADŽIŠEHIĆ**
(rođ. TINJIĆ)
(1934.-2009.)



**IBRO
HADŽIŠEHIĆ**
(1931.-2005.)

S velikom ljubavlju i poštovanjem:
vaši kćerka Nermina i sin Fuad (Fuki)
sa porodicama

TUŽNO ALI LIJEPO SJEĆANJE na mog dragog supruga i našeg voljenog tatu i djeda



**DURMAN
MILAN**
(1942.-1995.)

S velikom ljubavlju i poštovanjem:
tvoja supruga Samija, sin Saša i
kćerka Sanja sa porodicom



**Didić
Bahrudin**

74206
Brijesnica Velika
Doboj Istok, BiH

Tel: 053 229 179
Mob: 061 738 059
061 380 697

* Prevoz umrlih u BiH
* Dovož umrlih iz inostranstva
* Kompletan oprema za dženaze i sahrane



SJEĆANJE NA KOLEGU I PRIJATELJA

Dana 10. maja 2010. godine navršit će se jedanaest godina od smrti našeg dragog kolege i prijatelja

ZORAN ILKIĆ ZOKA
novinar RTV Maglaj
(1999.-2010.)

*Otišao si tiho, iznenada, a nama ostavio tugu.
Zoka, nisi u zaboravu.*

Kolektiv RTV Maglaj i
prijatelj Fahrudin Kapetanović



Dana 15. maja 2010. godine navršit će se šest godina od smrti našeg dragog supruga, oca, sina i brata

**JASMIN (Kasima)
ZAJIMOVIĆ**
iz Matuzića
(2004.-2010.)

Neka ti dragi Allah dž.š. podari lijepi dženet.

Tvoji najmiliji: supruga Emira, kći Merima, sin Maid, otac Kasim, majka Derviša, braća Nermin, Nijaz i Zijad, punac, punica, šure i snahe, bratići, bratične, tetke, teci, dajdže i dajdžinice, amidže i strine, te ostala brojna rodbina, komšije i prijatelji.



28. maja 2010. godine navršit će se dvije tužne godine od kako nas je napustila naša draga baka, prabaka i tetka

**DRAGICA
KOVAČ**
(rođ. ŠKONDRO)
(2008.-2010.)

Nemjerljiva je tvoja ljubav koju ćemo uvijek pamtiti i osjećati, a nikad neće nestati sjećanje na sve drage trenutke provedene s tobom.

Ožalošćeni: unuke Slavica, Dragica i Tea, praunuk Filip, sestrična Kata, te Ferid, Tihomir i Hrvoje, obitelji Dragičević, Škondro, Kovač i Radoš.

SJEĆANJE NA NAŠE DRAGE RODITELJE



MUHAMED SALIHOVIĆ
(1992.-2010.)
iz Doboja



ALMASA SALIHOVIĆ
(1986.-2010.)
iz Doboja

S ljubavlju i poštovanjem čuvamo uspomenu na vaše drage likove.

Vaša djeca sa porodicama

IN MEMORIAM



NURIJA (HUSO) AVDIĆ
penzionisani učitelj
iz Doboja

Preselio na Ahiret 15. aprila 2010. godine u 80. godini života. Dženaza je obavljena u Sarajevu 17. aprila 2010. godine na mezarju Vlakovu.

Neka je rahmet njegovoj plemenitoj duši.

OŽALOŠĆENI: supruga, kćerke, zetovi, unučad i praunučad, braća i sestre, kao i ostala rodbina, komšije i prijatelji.

Dana 10. aprila 2010. godine navršilo se šest tužnih mjeseci od iznenadne smrti člana našeg kolektiva



**EMIN (IBRE)
MUJKIĆ**
Iz Klokočnice
(10.10.2009.
10.04.2010.)

Pamtimo te po dobroti i plemenitosti.

OPĆINSKI NAČELNIK
sa saradnicima



EŠREFA BISER
(rođ. LJUBOVIĆ)
iz Doboja
(2000.-2010.)

S ljubavlju koju smrt ne gasi, s tugom koju vrijeme ne liječi, uvijek ćemo čuvati uspomenu na tebe.

Tvoji najmiliji

Navršilo se deset tužnih godina od smrti naše supruge, majke, sestre, gđa. i svastrane, svastrane, svastrane, svastrane

Dana 21. maja 2010. godine navršit će se pet godina i šest mjeseci od smrti našeg dragog brata



OSMAN TINJIĆ
(1936.-2004.)

Dragi brate, uvijek će te se s ljubavlju sjećati tvoje sestre Faza i Samija



Dana 21. maja 2010. godine navršit će se četrdeset dana odkako je preselila na Ahiret naša draga

AJIŠA (HILMO) JUSIĆ
iz Doboja
(1958.-2010.)

Neka je rahmet njenoj plemenitoj duši.
Uvijek ćeš živjeti u našim srcima.

Ožalošćeni, tvoji: kćerka Larisa, braća Muharem i Sejfulah, sestra Safija, te porodice Junuzović, Jusić, Ljevaković i Bajrić, kolege iz Općine Doboj Jug, te ostala brojna rodbina, komšije i prijatelji.

Samostalna pogrebna djelatnost

vl. Smajo Šahman
ing. civilne zaštite



Maglaj IV Ulica 14/16

tel. ++387 (0)32 603 598 ++387 (0)32 603 787
mob. ++387 (0)61 166 320; 061 431 476

Sve vrste pogrebnih usluga: prijevoz, iskop (exumacija), opremanje i prijevoz posmrtnih ostataka do mjesta ukopa.
Vršimo prijevoz umrlih iz inostranstva.
Cijena po dogovoru.

APOTEKA "MEDIFARM"

U TEŠNJU, JELAHU I MATUZIĆIMA

Zaštitnik vašeg zdravlja

- ◆ Nabavka i distribucija lijekova i pomoćnih ljekovitih preparata
- ◆ Izrada magistralnih i galenskih pripravaka

TELEFONI:
Tešanj (tel/fax):
032/ 656-040
656-042



JELAH
Ul. M. Tita b.b.
od 7,30 do 15,30
032/666-667



MATUZIĆI: U centru,
s lijeve strane
Osnovne škole
od 8,00 do 16,00
032/691-672



TEŠANJ,
Osmara Pobrčića b.b.
od 7,30 do 19,30

GORICIANA

DRUŠTVO ZA TRANSPORTNO-TRGOVAČKO-TURISTIČKE USLUGE SA ŠPEDIJCIJOM
DOO - MATUZIĆI, 74203 - DOBOJ JUG

Tel/fax: ++387 32 699 311 • Tel: 032 699 310
mob: ++387 61 152 857 • e-mail: goriciana@bih.net.ba



MS MESNICA SARIĆ

Rifkija Sarić

Adresa:
Trg Banišćana bb
75064 Jelah

Telefon: 06387 (0)32 663-115
Tel/fax: 06387 (0)32 663-948
Mobilni: 06387 (0)61 133-997

ms 1926
mesnica sarić
JELAH



PRIJEVOZ PUTNIKA • TURIZAM • IZLETI • LJETOVANJE • ZIMOVANJE
U ZEMLJI I INOZEMSTVU

Doboj (BiH) ● Osijek (HR)

SVAKODNEVNO	Stanice	SVAKODNEVNO
5.30	Doboj	15.20
5.30	Šešilje	15.00
6.01	Podnovlje	14.49
6.22	Modriča	14.28
6.32	Miloševac	14.18
6.42	Crkvina	14.08
6.47	B. Šamac	14.03
7.30	Đakovo	13.20
8.20	OSIJEK	12.30

NOVO!



KIM

*Putujte ugodno
i sigurno!*



Živinice (BiH) ● Velenje (SLO)

svakodnevno izlazni dan putovanja	Stanice	svakodnevno ulazni dan putovanja
12.30	Živinice	22.10
13.00	Tuzla	21.40
14.00	Gračanica	21.00
14.25	Doboj Istok	20.30
21.40	Velenje	13.00

Gračanica (BiH) ● Ljubljana (SLO)

svakodnevno izlazni dan putovanja	Stanice	svakodnevno ulazni dan putovanja
14.00	Gračanica	21.00
14.25	Doboj Istok	20.30
20.40	Ljubljana	14.00

74207 Klokočnica
Doboj Istok
BiH

tel.
00387(0)35-720-190
tel/fax.
035-720-163
mobitel
061-164-290

JELAH - ROSULJE



tel: 061 623 982
061 989 871



Nezavisne narodne novine. Izdavač: "RADIO-GRADINA", d.o.o. Izdavačko-informativno i uslužno preduzeće Doboj Jug. Upisane u evidenciju javnih glasila u Uredu za informiranje Vlade Federacije BiH pod rednim brojem 890, dana 3.12.1999. godine. Glavni i odgovorni urednik Fahrudin Kapetanović, zamjenik Rašid Muminagić, Mirza Mahmutović, kolumnista. Stalni dopisnici: Muharem Omerović (Zenica), Merima Hadžimehić (Maglaj), Miralem Begić (Doboj Jug), Kemal Bukvić (Hrvatska), Ferid Čehić (Švedska), Samir Puškarović (USA), Riza Biser (Norveška), Muhamed Sprečo (Slovenija), Mirko Jeleć (Kanada), Nikola Rašić (Australija). Tehnička oprema i obrada: Studio "gala" Tešanj. Tehnički urednik Kata Mustafić i Elma Topić (enigmatičarka). List izlazi svakog prvog u mjesecu. Adresa redakcije: "Naše novine", 74250 MAGLJAJ, Pošte Restarba, tel/fax: 032/603-416, mobitel: 061/736-750. E-mail: nasenovine@yahoo.com. Račun: 3385502200205110 - UniCredit banka. Štampa: GRAFIK-KOMERC Jelah, Mostarska bb, tel. (032)663-151/663-521, e-mail: grafiko@bih.net.ba. Za štampariju: Jasmin Bajraktarević.